

四庫全書

史部

欽定四庫全書

畿輔通志卷七十六

忠節

義烈附

順天府

晉

劉

沉

字道真燕國薊人世為北州名族博學好古
太保衛雅辟為掾領本邑大中正後以侍中

假節討李流河間王顥請留為軍司領雍州刺史
及顥遣張方逼京師沉奉詔馳檄四境合眾萬餘
與顥督護虞夔戰敗之顥大懼急呼張方方後至
襲沉軍大潰沉為陳倉令所執謂顥曰知己之願

輕在三之節重投袂之日期之必死俎
醢之戮甘之如薺辭義慷慨遂遇害

北齊

鮮于世榮

漁陽人少沉敏有器幹興和二年為高祖
親信副都督武平中封義陽王後主幸晉

陽令世榮判尚書右僕射貳北平王北京留後周
師攻鄴除領軍大將軍於城西拒戰師敗被擒不
屈而死子真武平
未假儀同三司

隋

盧

楚

范陽人大業中為尚書右司郎當朝正色為
公卿所憚及帝幸江都官寮多不奉法楚糾

舉無所避越王侗稱尊號封涿郡公與元文都同
心夾輔及王世充作亂皇甫無逸呼楚同去楚曰

吾與元公約社稷有難誓與俱死今捨去不義遂為世充所害

唐

蔡廷玉

昌平人與朱泚同里少相狎泚為幽州節度秦署幕府時幽州兵強不知上下禮法廷玉

諷泚出金幣禮士歸賦天子且勸泚入朝諸校縛廷玉辱之無撓詞泚不忍殺囚歲餘曰省過否對曰不殺我公得名殺我我得名泚待如初德宗以泚為涇陽節度詔廷玉為司馬泚弟滔傲肆廷玉屢挫之滔表請殺廷玉不從會滔以幽州叛帝貶廷玉柳州司戶以慰滔滔曰廷玉得東出洛我自縛致支解之至藍田驛左巡使鄭詹追使趨潼關廷玉告其子曰我為天子不血刃下幽州十一城欲裂其壤而敗於將成今吏使我出東都此殆滔計吾不可以辱國至靈寶自投於河帝憫其忠厚

之賻

五代後唐

王思同

幽州人明宗時為京兆尹西京留守應順二年路王從珂反馳檄諸鎮思同執其使送京

師愍帝嘉其忠即以思同為西面行營都部署討從珂軍潰為從珂所執從珂曰罪可逃乎思同對曰非不知從王而得生恐終死不能見先帝於地下從珂愧其言竟殺之

宋

高彥暉

漁陽人太祖時從王師伐蜀為歸州路先鋒全師雄之亂彥暉討之力戰而死彥暉老將

諸習邊事工聞
痛惜命優恤之

張世傑

范陽人初隸淮兵中呂文德召為小校累官至保康軍節度勤王入衛元遣使說降世傑

斬其使後從二王入福州衛王昺拜世傑少傅樞密副使封越國公元將張弘範等攻厓山颶風敗

世傑舟溺死

遼

韓紹勛

安次人趙國公延徵孫也官東京戶部使會大延琳叛被執不屈賊以鋸解之而死

金

馬肩龍

字舜卿宛平人能詞賦在太學嘗辨宗室從坦殺人之寃時論義之後德順受圍州將愛

仲假肩龍鳳翔判官委以守禦凡受攻二十晝夜力盡城陷遂遇害詔配食褒忠廟

宋 宸

宛平人正隆進士官至沁南軍節度使
貞祐二年正月元兵至懷州城破死之

劉德基

大興人貞祐初特賜進士官邊邑夏兵攻城
德基坐廳事積薪其旁謂家人曰城破即焚

我及城陷家人不忍縱火遂被執脅之降德基不
屈或給夏人曰此人素病狂故敢如此德基曰為
人當如此耳吾豈狂耶夏人囚之已而召問
德基曰吾豈苟生者耶遂遇害贈朝列大夫

王 毅

大興人經義進士官東明令貞祐二年東明
圍急毅領民兵數百人拒守城破毅猶率眾

抗戰力窮被執同執者前跪將降毅厲聲曰忠臣
不佐二主汝乃降乎遂不屈而死贈曹州刺史

李伯淵

寶坻人為金都帥與崔立守汴立劫眾降元
軍心憤怨伯淵結義士誅立梟於承天門祭

宗 哀

明

杜奇

北平人燕王將起兵徵才雋士入府奇極諫當守臣節王怒立斬之并族其家福王時贈

翰林院檢討諡貞直

馬宣

北平都指揮使靖難兵起殺張昂謝貴宣巷戰不勝東走薊州起兵西進遇戰不利退守

薊州出城再戰又敗被執大罵不屈死建文帝褒恤其家

朱鑑

北平都指揮使守大寧靖難兵至諸將皆降鑑獨力戰不支被縛罵不絕口而死

儲福

燕山衛軍年二十頗好義靖難兵入挈妻逃去成祖即位詔購戍卒入伍福在錄中調

曲靖衛仰天哭曰我雖一介賤卒義不為叛逆之臣在舟中日夜泣不輟竟不食死

黃

綬

平谷人洪武末以奇童召見送國學肄業宣德中成進士擢山東道御史英宗北征切諫

不聽扈駕至
土木死之

薛

綬

本蒙古人祖薛台洪武中歸附賜姓薛累官燕山護衛指揮使遂家昌平父斌以靖難功

封永順伯綬五歲嗣伯長驍勇善戰正統中與成國公朱勇遇寇於鷓兒嶺軍敗夫盡猶持空弓擊賊賊支解之謚武毅

吳

瑾

嗣父爵為恭順侯天順初石亨恃功驕橫上頗疑之一日登翔鳳樓望見亨宅第壯麗以

問諸臣衆不敢語瑾獨對曰此必王府也他豈僭擬若此英宗愈疑瑾知曹欽謀不執詣長安門告變內廷縛吉祥且為備瑾同諸將分道擊賊戰於東華門為欽所害贈梁國公謚忠壯

王

鐵

字德威順天人嘉靖進士授常熟令邑多大猾鐵貫罪俾為已用倭患起諸大猾咸請劾

死乃部署子弟得數百人分防訓練繕築城垣焚賊二十七艘後再擊倭陷陣中為所害贈太僕卿

蔭錦衣百戶

建祠祀之

高敏學

實抵人嘉靖進士任兵科給事中劾嚴嵩黨趙文華廷杖死後帝憫其忠追贈光祿寺少

卿仍恤

其家

宗

禮

字周道京衛人嘉靖中武舉累官神機營遊擊將軍奉命禦倭屢殲賊眾總督胡宗憲檄

禮隨賊所向追勦之至崇德縣之皂林倭眾萬餘猝至禮所統不過九百人自寅至午所殺傷過當

而禮亦身被重創兼糧盡乏食後軍無救者遂力戰而歿事聞贈都督同知蔭一子指揮僉事謚忠

壯

王

敬

字子修延慶右衛人性亮直孤介行不類已者雖貴不與交初為指揮同知時與永寧指

揮張澄同遊學正李義門講孫吳兵法彘死二人厚賄之言及輒流涕時人以其志同方陳雷馬已已雲州之役二人從守備孫剛往援遇敵戰敬與懷來百戶陳顯挺身敵剛敬顯俱死澄手刃三人隨亦被害詔贈祭有差

丁乾學

字天行本山陰人占籍宛平萬厯進士授檢討天啓甲子典江西鄉試閩勢方熾欲彈之

念詞臣無言責乃以試錄代彈文程策中極論古來宦官之禍閩聞之怒甚矯旨削職猶銜恨乃令奸黨高守謙詐傳駕帖立時勒死崇禎初子聖肇詣闕訟冤下法司嚴訊置守謙於法贈乾學翰林

院侍讀學士聖肇妻為山陰王思任女名玉瑛有詩記其事

孫祖壽

字必之昌平人舉萬厯武會試歷官署都督僉事薊鎮總兵崇禎時都城被兵祖壽已罷

官家居乃散家財招舊部曲數百人赴援歿於陣帝親為文祭之祖壽初為把總時遭危疾妻張氏割臂以療絕飲食者七日祖壽生而妻旋死遂終身不近婦人及為大帥部將有以金遺其子者却弗受也他日來省祖壽賜之酒曰却金一事善體吾心否則將盡法於汝其節槩如此

劉廷訓

字式伯通州人性謹厚好學為諸生以久次貢除吳橋縣訓導崇禎十一年我

本朝大兵南下吳橋令約廷訓出走廷訓不可率眾守城攻益急令卒亡去廷訓以幼孫弱浮屠屠隆貴已介而趨南門謂守者曰廷訓傷儒惟舍身報國二三子盍自便馬廷訓哭守者皆哭曰公死我等敢

求活守三日夜砲盡城陷廷訓天貫閣
許猶疾呼力鬪連被六天乃死入名宦

周騰蛟

香河人崇禎十三年以舉人除汜水知縣時
河南流寇方熾歲數饑人相食或勸騰蛟擄
疾母往騰蛟曰君命也可避乎之任未幾賊至騰
蛟竭力拒守頗有殺傷力竭城陷繫印於臂投黃

河死賊去百姓
求得其屍葬之

張人龍

遵化人為寶豐知縣崇禎十四年流賊攻汝
州連陷寶豐人龍抗節死妻年少匿空舍得
免家奴四人欲亂之妻曰主亡我所恃惟若等耳
飲以醇酒四人喜皆醉妻密遣婢告丞尉勒兵捕

殺之而扶
櫬歸里

李

耿

字毅侯順天人崇禎進士任壽光令流寇攻
城力禦之獲賊輒殺而投諸水崇禎十五年

本朝大兵南下城破耿著
公服縊死城樓上

吳從義

本山陰人占籍大興初字裕強夢老人撫其背曰歲寒松柏其在斯乎余字爾歲香因更

馬崇禎庚辰進士授長安知縣任二年舉卓異未
行而督師孫傳庭陣歿從義請巡撫策戰守以死
警衆分汛南門賊攻城西門先陷衆扶之下神色
不變或勸出走從義曰城亡與亡吾將安往乃入
關壯繆廟脫甲易冠服望闕叩
頭赴井死後贈按察司僉事

阮漢聞

字太冲順天人讀書喜大節尤習兵家言著
尉繚子解詰戎踐墨諸篇萬厯朝出師援朝

鮮敗於碧蹄館漢聞方弱冠徒步走遼東望黃龍
鴨綠訪聞形勢慨然有澄清之志後以事避汴梁
王孫西亭一見即延致邸中日飲以醉酒而出所
藏秘書伴盡讀之以此漢聞學益進西亭故好客

四方知名士畢集門下西亭等視之獨於漢聞有加禮呼為先生而諸名士亦俱心折漢聞羣以阮先生稱之於是阮先生之名重河南北西亭死漢聞鬱鬱不自得乃徙居尉氏聚徒教授崇禎初詔舉隱逸巡按御史李日宣上其名不報派寇大起援勦諸將皆驕蹇不肯辦賊漢聞憤恨曰諸君皆婦人也婦人猶有自奮殺敵者乃取古來婦女以武勇見者集為女雲臺書及賊攻尉氏漢聞已卧病猶據床畫地為守禦方略賊聞其名下令必生致之城陷被擒大罵不屈而死時年七十

曹鳴鶚

大興人以勇敢稱官河南道中軍守備嘗率兵五百勦流氓數千賊糾黨數萬困鶚於趙

寨鶚血戰數晝夜矢盡馬竭猶裹瘡步鬪被執賊誘降不屈噴血怒罵乃支解之

宋一鶴

宛平人崇禎三年舉於鄉授教諭以薦選知山東邱縣累陞汝南兵備道駐信陽先後勦

定劇賊黃三耀劉喜才李萬慶等撫其衆數十萬
進副使調鄖陽摧斂都御史巡撫湖廣大破羅汝
才等於豐邑坪斬首三千餘級為荆楚第一功復
移駐蘄州英舟拒賊渡賊移而北一鶴又斷橫江
賊遂不敢渡一鶴起鄉舉不十年驟秉節鉞廷臣
不能無忤又因其為楊嗣昌所薦疏詆益衆會以
襄陽陷奪職戴罪十五年李自成陷德安荆門一
鶴以獻陵為重趨赴承天賊已驟至明年正月承
天陷一鶴
自經死

李毓英

固安人以恩貢為武昌通判崇禎十六
年獻賊渡江陷武昌毓英闔門自縊死

朱之馮

字樂三宛平人天啓進士授戶部主事權稅
河西務有羨金之馮留公帑無所私歷青州

參議禽治土豪權貴為請不聽遷河東副使大猾
朱全宇潛通流寇之馮禽殺之尋擢僉都御史撫

宣鎮李自成陷大同宣人洶洶之馮集文武紳士
於城樓設高皇帝位誓衆死守檢卧內衣被盡以
搗兵惟留朱衣一襲授中軍官曰有不幸即以此
裹我中官杜勳歎語諷之馮同降之馮厲聲叱之
俄而賊大至勳竟開門納賊入之馮命轉砲內擊
砲孔皆牢下錢釘不可拔左右環泣擁之馮行之
馮曰離此一步無死所矣易朝服南向九叩懷中
出遺奏授提塘范繼稷下即解帶自縊死福
王時贈兵部尚書謚忠毅方之馮官山東以進表
入都家屬留濟南已而濟南破妻馮匿姑及子於
他所而已從容投井死姑李聞之亦絕粒死之馮
扶柩還廬墓側晨昏伏泣者三年或勸更娶之馮
曰宗祊之祀有人矣且吾妻之死如何者而負之
并懼無以見吾母也遂終其身不復近婦人入名
宦

陶宗儀

密雲人歷官遼東寧前衛副總兵崇禎癸未城陷同弟宗顏姪熊家丁文明皆死之事聞

賜祭贈鎮國將軍
弟姪等俱贈校尉

王孕懋

霸州人崇禎進士授戶部主事以廉介稱累官寧武兵備道副使甲申流寇犯寧武登陴

固守礮擊賊無算城陷自
刎死妻楊氏亦投井死

張國光

大興人中崇禎癸酉鄉試除知商邱縣闖賊犯境遣偽官至縣光斬以殉後聞京師陷嘆

曰今日之難受君祿者猶活身食肉與犬豕何
別國光雖小臣請從先帝於地下遂自經死

成德

字元升懷柔人舉崇禎四年進士知滋陽縣清操絕俗疾惡若仇以抗直忤知府知府溫

體仁容也遂誣德貪虐得旨逮問德於道中具疏
極論溫體仁罪不報德母張伺體仁長安街繞輿

大罵拾瓦礫擲之體仁恚疏聞於朝詔五城御史驅逐移德鎮撫司掠治杖千門下戍邊坐贓六千有奇德居戍所七年用御史詹兆恒薦起知如皋尋擢兵部主事德以母老三疏力辭不允抵都甫三月城陷開帝崩慟哭持雞酒奔奠梓宮前觸地流血賊露及背之不為動奠畢歸家有妹年二十餘未嫁德謂曰我死汝何依妹請先死德稱善哭而視其繼室霍請繼之德痛不及視入別其母哭盡哀出而自縊母見子女及子婦皆死亦投繯死先是懷柔城破德父文桂遇害家屬盡沒妻劉在京以徵德賊急憂悖死至是又闔門死難唯幼子寄友人家獲存福王時贈光祿卿謚忠毅

本朝賜謚

介愍

金

鉉

字伯玉本武進人占籍大興祖汝升南京戶部郎中父顯汀州知府鉉少有大志以聖賢

自期年十八舉鄉試第一明年成進士除揚州教授日進諸生開源洛正學雖燕居言動不苟諸生嚴憚之再遷工部主事申官張彛憲綜戶工二部檄諸曹以屬負禮見鉉疏爭之彛憲乃撫火器不中程落鉉職鉉杜門謝客環堵蕭然學日益遠或詢以宗旨正色曰日用躬行未之有得何宗旨為甲申二月起兵部主事巡視皇城流寇之變鉉慟哭趨入朝解牙牌北向四拜投金水河死母章妾王弟銖並同日死福王時贈太僕少卿謚忠節本朝賜謚忠潔

甯承烈

字養純大興人舉於鄉任魏縣教諭遷戶部司務進本部員外郎薨太倉銀庫流賊入城

自經於官廨

張樞芳

通州人萬厯進士歷官吏部郎流寇之變為賊所執脅降不屈遂遇害

于騰雲

順天人為光祿寺署丞賊至語其妻曰我朝臣汝亦命婦可污賊耶夫婦並服命服從容

投繯死

馬象乾

字西山順天人舉於鄉除教諭陞濮州知州罷歸里居賊入率妻及子女五人並縊死

徐兆任

字伯衡順天人崇禎中由拔貢知榮陽縣以廉潔稱後棄官歸里教讀自給流賊陷京師

與妻張氏及幼子皆投繯死著有康山子集

任之華

字仲華大興人御史心源子登武科除昌平守禦歸未幾都城陷謂家人曰予世受國恩

義在當死遂自縊弟之封解之涕泣不語以間踰墻縊於鄰之空舍

張應選

字賓虞順天人從事內閣給銜經歷俸李自成連陷宣大知勢已去指屋梁謂友人曰國

恩難忘此吾死所也京師
破同妻妾子女俱經死

楊

元

順天人官太醫院吏目
城陷與妻吳氏同縊死

劉文炳

字洪筠孝純皇太后姪也世家京師祖應元
贈瀛國公祖母徐氏主太后崇禎初年已六

十餘封瀛國太夫人父效祖封新樂伯卒文炳嗣
爵尋晉為侯弟文耀文炤皆官都督初太后生莊
烈帝甫四齡以夫光廟意遽薨逝及帝即位悲哀
甚以遺像未肖命畫工就太夫人第口授摹之既
成具法駕迎像奉先殿然終以不得親養太后為
恨故待劉氏始終有加禮文炳母杜氏賢識事理
每戒文炳等曰吾家無功德直以太后故受恩至
重而等敢輕暖噉甘肥不圖報効毫末非人也文
炳等叩頭曰謹受訓上嘗使文炳視陵鳳陽密諭
路有所聞輒報奏文炳歸奏外臣唯史可法張國

維二人忠正可任以辦賊文炳性謹厚不妄交惟與太學申湛然布衣黃尼麓駙馬鞏永固相友善永固另傳後湛然詳義烈傳甲申三月瀛國壽八十時李自成已陷宣大上雖處倥傯猶命司禮監賜金幣進文炳兄弟官階賊而賊圍京師甚急帝手詔召文炳文炳入告母曰上召兒兒不得侍母矣砲若止城必不守母之生死兒不敢言哭拜不能起母拊文炳背曰兒以死報國我與而妻而妹死且得瞑目指文炤曰汝年幼可無死奉太夫人延劉氏後兄弟相泣拜而去十九日砲忽止杜氏急登樓女及子婦隨之先後皆縊死家人鄭平乃縱火焚樓文炳別母後即入見帝曰事急矣苟有不諱陛下當盡焚三宮文炳亦焚第一家為忠鬼從陛下上頷之文炳出與鞏永固同守崇文門門吏大呼曰賊至矣文炳彎弓且射且走至第第已焚將赴井顧影曰此鞞鞞也不可以見君父於時

申湛然黃尼麓猶在側湛然脫已幘授之幘小尼
麓曰何不裂幘幘裂乃冠之投并死文耀守永定
門城破哭出至渾河馳而歸尋兄死所大書一版
署并欄曰左都督劉文耀與兄文炳同殉國處亦
投并死文炳叔繼祖官錦衣衛都指揮同知城破
與妻左妾李董同日盡節死劉氏一門死難者四
十二人太夫人匿申湛然家得免後聞帝崩慟哭
發病死文炤初隨母投縲氣急不能死掙縲下拊
母背號曰母有命不敢違也遂逃去後流
落江淮間號雪舫生一子亦歿劉氏遂絕

鞏永固

字鴻圖大興人尚光宗第八女樂安公主為
駙馬都尉性任俠飲客以為喜與劉文炳申

湛然黃尼麓相友善永固常抗疏請追謚建文帝
又申救蘄遼總督趙光忤於是士大夫翕然稱賢
甲申三月李自成圍京師永固與劉文炳入見帝
曰二祖列宗之靈在天不令狂賊得逞萬一城破

永固無他唯死報陛下帝默然久之曰朕不能守社稷朕能死社稷旋命二人出丁未城破永固自崇文門馳歸於路手殺數賊初公主於十六年薨停柩內殿永固聞賊來預積薪於棺旁至是盡取主冠裳及已所愛金鞍置柩上餘財物悉散家人一蒼頭侍側不去永固曰若何為對曰待吾主盡節永固曰義也乃命僕執酒以一盃北面酬地再拜曰永固以死報陛下下一盃酬柩前而自飲一盃曰不圖今日乃更與殿下相見遂縱火焚柩將訖拔刀自刎死永固無子一女許字襄城伯李國楨子亂後歸李南下金陵破隨李歸旗李卒有悅其色欲娶之者令女伯父輩永基往說女曰我先帝之甥忠臣之女未亡人死以姑在耳若欲脅我惟有一死即髣面斷髮終不能犯遂得奉姑終身

張慶臻

字鳳華世襲惠安伯甲申流寇陷京師謂其子某曰吾家世受國恩惟一死可報爾小子

其避去以延宗祀子曰大人死忠兒當死孝庸忍避臻乃驅妻妾登樓園以薪夜漏下三鼓命僮僕

舉火樓下父子躍入烈焰中與妻孥同焚死

本朝順治十年

賜謚子祭

衛時春

世襲宣城伯沔寇之難闔家投井死

王國興

字熙平霸州人以熹宗母戚封新城伯城陷率妻子自焚死

李若璉

字方山本山東濟南人後徙順天父士茂官錦衣百戶訓子甚嚴若璉偶有過父怒欲杖

殺之若璉走河南久之應武鄉試得中式尋中武進士授錦木衛千戶乃因寶親見父叩頭涕泣請

罪父曰姑賞汝今自改矣累遷錦衣衛指揮同知掌北鎮撫司事獄有寃者若璉為反覆陳情多所開釋以忤當道竟降二級若璉笑曰我不以人命易官也後起為南鎮撫僉書李自成犯京師若璉守崇文門城陷馳歸北向叩頭賦詩有曰平生忠孝懷庭訓肯教聲名辱品題自舉火燒屋視妻子皆死乃縊

張養所

順天衛世官中天啓武進士累官錦衣衛指揮使甲申流寇陷都城為賊所執不屈死之

劉一松

宛平人虎賁右衛世襲指揮甲申流賊陷京師與妻王氏三女皆縊死

張國維

大興人崇禎庚辰武進士授錦衣千戶甲申流賊入京師被執不屈死

高文彩

宛平人錦衣千戶都城陷令妻妾子孫十七人先投繯死埋於後園文彩乃朝服自縊

高甲

順天人錦衣千戶流寇陷都城同妻許氏弟婦劉氏子婦王氏女及弟女六人同縊死

王承恩

字君弼順天人為司禮監東筆太監提督京城內外軍務李自成圍京師急詔承恩入與語

語密外不得聞頃之命酒同飲承恩涕曰受陛下深恩惟一死以報萬一帝微服持鎗命承恩從欲開門出不果選至煤山帝自縊崩承恩拜哭跪縊其旁福王時贈官三級謚忠愍

本朝順治十七年

世祖

章皇帝御製碑文以旌其墓又司禮監高時明城陷自

焚提督京營太監張國元守廣寧門自縊司禮監李鳳翔守阜城門自殺司禮監方正化奉命督軍

保定城陷殺賊數十人被賊殺死

祝洪錄

字芝生順天人庠生素節義李自成陷京師同妻王氏北面再拜分左右從容自縊死又

徐燦順天學生城陷同妻鄔氏舉家自焚死又庠
生張玉瓚同妻魏氏投井死蔣士忠同妻黃氏投
金魚池死魏起元闔門
自焚死蘭位卿自縊死

范歲聽大興人以布衣從高攀龍講學魏國公徐永
禎延為館賓數有規諫聞賊至置一棺卧其

上絕粒
七日死

李夢禧京師布衣慷慨負志節甲申三月城陷與妻
杜氏二子二女一婢俱縊死又布衣楊鉉善

畫攜二子赴井死儒士張世禧與二子懋懋官
俱縊死又宛平京營卒徐道守安定門冒天擊賊
城破墜城死又順天民間守義以罵賊被創而死
其妻李氏前一日投繯死婢從馬又宛平民田祥
宇闔門自焚死祥宇或作田大年又有周姓者城
陷悲憤搥胸嘔血數升死又賣菜傭不知其姓名

荷菜過東華門見莊烈帝后梓宮悲不自勝乃買酒肉紙錢哭祭祭畢觸階而死

唐文運

密雲人崇禎甲申流賊陷都城文運聞變慟哭飲酖死

史可法

字憲之大興人母尹夢文天祥入其舍而生幼以孝聞舉崇禎元年進士授西安府推官

能聲大著累遷副使分巡安慶池州監江北軍屢殲賊衆擢僉都御史巡撫安慶等處可法短小精悍目爍爍有光持身廉接士信雜處行伍間與下同勞苦以故得士死力先後敗降賊無算李自成陷京師可法大恟頭觸柱血流被體縞衣發喪欲長驅死賊或勸以當立君圖恢復可法方議所立而鳳督馬士英已發兵送福王至儀真可法乃具箋迎王監國即拜可法大學士為馬士英所擠以閣部督師淮揚數條上戰守策不報順治二年本朝大兵已南下邳宿朝臣方詒太子事左良玉聞之

舉兵東犯以清君側為辭朝命可法并禦良玉可
法馳浦口請陸見不許乃還揚州為高皇帝位設
祭泣諭士民共守以死頃之我兵至揚州屯班竹
園可法知勢不可為書寄母曰兒宦十八年辛苦
備嘗不能報効毫末徒遠離膝下定省之禮盡缺
不忠不孝誠無顏立天地間今揚州不守兒以身
共之矣望母委之大數勿過悲傷兒在九泉且得
瞑目初可法無嗣以副將史德威為義子至是謂
曰子忝居首輔受督師之重不能保境遏敵縱腦
髓塗地不足以塞責我死可葬我鍾山之足仰冀
高皇帝鑒臣苦心萬一不遂葬我梅花嶺可也及
城陷自刎不死命德威及之德威痛哭不敢仰視
參將張友福奪刀扶出小東門被執可法大呼曰
我史督師也可速殺我勸之降不從遂見殺德威
走免後數月德威求可法屍不
可得乃以可法衣冠葬梅花嶺

朱壽圖

字青坪宛平人崇禎三年以恩貢除胙城知縣治甚有聲調新鄉以禦賊功擢南京御史

極論監軍張若麒罪若麒迄論死都城陷馬士英擁立福王薦用阮大鍼等朝政日亂壽圖抗疏論

劾出按四川為定南王孔有德所執令之降不屈死之

閻應元

字麗亨紹興人徙家通州以吏員除江南江陰縣典史禦海寇顧三麻有功遷廣東英德

縣主簿道阻未赴寓居縣之東鄉應元為人鳳眉面黑有智略好騎射其居東鄉也率鄉勇千人以

你一鎮順治二年本朝大兵破江寧列城皆下江陰諸生許用倡守城遠

近應者數萬人典史陳明遇主兵用蔽入邵康公為將而前都司周瑞龍泊江口相犄角

大兵擊敗之明遇乃延應元入城屬以兵事應元請設高皇帝位勵眾以大義眾皆哭願以死効

大兵力攻城應元悉計拒守不能下守八十日城中食
且盡我兵乘風雨以大砲擊城城崩應元持短兵
接戰知不敵至睢陽廟奮聲大呼自沉於溪溪
淺被曳出死之陳明遇許用邵康公等同日死

顧明楫

字心服順天府學生魯王駐舟山為張名振
叅軍順治初

大兵破舟山明楫題詩壁上有愁魂應傍孝
陵歸之句扼吭而死其妻亦自縊死

本朝

袁生芝

良鄉人明崇禎丙子舉人順治初官商維道
時山寇賀遙期攻商州聲言縛獻金總兵即

退民役惶惑生芝叱曰若執金公宜先殺我州人
感其義乃堅心死守城破生芝自經父棊亦戰死
闔門三十二口皆盡節事平

子
郵贈

張國賢

字良輔宛平人明崇禎丙子舉人順治初為太原寧武關同知大同總兵姜瓖叛逆死之

于邨廕

事平

王任杞

大興人明崇禎壬午舉人順治初任辰州知府南寇侵城被執不屈死於府之演武場闔

門四十口同日縊死事平

于邨廕

何衡泗

順天文安人明崇禎壬午舉人順治中令武岡縣會逆寇陳友龍陷城殉節死

張文輝

通州人明崇禎時官徽寧副使順治初改建南江西寇起松關失守繫印於臂沉河而死

袁捷

字成孚大興人任湖廣掌印都司順治四年鄖陽遊擊王昌反劫勒文武附從要捷曰若

吾同官吾何忍殺若弟從吾異日富貴共之捷大罵曰吾頭可斷志不可屈恨不能磔賊以報國耳

昌怒殺之事平

予卹廕

王嘉禎

字維周宛平人以武舉歷任興化府遊擊順治十六年海寇圍仙遊嘉禎率兵往援累戰

皆捷賊切齒傾巢來禎力戰死之事平

予卹廕

賈質

大興人武進士歷官江南操江營遊擊順治十六年海賊入犯分汎瓜洲力戰而死

贈叅將官其子

宗誼

王辛

字介然大興人順治丙戌進士知江南天長縣十六年海寇犯江南辛誓衆死守城破被

執不屈死事平

予卹廕

胡其傑

大興人武進士歷官四川撫標遊擊順治十八年川寇猖獗力戰死之

贈 叅將 蔭其子

鼎重

薛 溥

大城人順治中由恩貢知湖廣鄖陽府保康縣值土寇之變盡節死康熙元年

贈 按察司僉事 蔭

一子入監

李興元

字若始遵化州人累官雲南按察使康熙十年冬吳逆之變脅授偽職興元誓死不從

禁之蒙化踰六年終不少屈遂遇害二子蔭秀奇秀亦被殺二十一年

贈 太常寺卿 蔭其子

萃秀入監

楊三知

字筠伯良鄉人順治己丑進士授榆次令有惠政擢兵部主事累遷神木道會提督王輔

臣反邊將朱龍應之三知方以代覲還至保德或止之曰事亟矣公無渡河三知不聽抵鎮日夜為

守禦計而守將孫崇雅開門納賊執三知勸之降
不從衆賊手刃相擬勒取勅印不予賊擁之至署
三知給賊出急呼妻妾子婦悉投井中三知別赴
一井賊偵之急負出之右臂已折而不死大罵賊
不絕口賊閉之一室令卒環守仍誘之降一日夜
不從賊怒闔扉驅卒出其卒在戶外聞掣擊聲殷
殷震墻屋三知罵賊聲乍高乍下久之寂然賊怒
扉去則三知已死其室無完器三知體亦無甚傷
不知三知若何死也事平

贈光祿寺御廄一子

王

札

平谷人官鞏昌府岷州撫民同知值徇寇之
亂盡節死事平

贈按察司副

使

杜懋哲

寶坻人初知長治縣除驛馬之弊民歌之曰
漢有名父繼社母我公之來邑安堵遷知岷

州值狃寇之變被執脅公降懋哲曰我讀聖賢書而臨難苟免乎不屈而死事平

贈按察司副

使

張國彥

字翼公大興人武進士及第歷官陝西延綏中路副將駐波羅城滇黔變起糧運斷絕國

彥手刃婢妾五人隨自刎妻許氏亦自縊一子從死事平

賜祭葬廕一

子

魯

頌字士雅順天騰驤衛人武進士歷任廣東都司廣賊之亂對敵陣亡事聞

特贈都督僉事

賜祭葬廕一子以守備用

永平府

唐

陽惠元

平盧人為京西兵馬使鎮奉天德宗初河南大擾詔移戍關東帝御望春樓誓師勞遣諸

將酒至神策將士不敢飲帝問故惠元曰初發奉天臣帥張巨濟有約不立功毋飲酒臣不敢食其言既行有餽於道惟惠元軍瓶罌不發帝咨嘆不已俄以兵屬李懷光懷光叛惠元走奉天懷光將丹宗追及之惠元乃披髮呼天血流

出背袒裼戰而死詔贈尚書左僕射

金

傅輔之

玉田人父霖官宗義軍節度副使行部臨潢沒於陣輔之以進士授滎陽知縣元兵至抗

節不屈死

元

周

宏

遷安人至正間官昌黎令程思忠之亂宏率民赴永平拒守城陷被執罵不絕口死

明

才

寬

遷安人成化進士坦直曠達不拘小節遇事裁決如流正德中累官工部尚書代楊一清

總制三邊值敵在河套寬率師由興武營擊之狃勝深入過伏中流天歿於陣事聞贈卹謚襄愍廕

子錦衣百戶

張世忠

字顯甫山海衛人嘉靖中歷任山西右叅將分守老營堡遇賊入寇引軍力戰已被箭猶

下馬裒創疾鬪殺傷過當首中二天而死事聞贈右都督謚忠愍

高如崧

盧龍人萬厯中為石門路千總泰寧寇花蕩峪主將陷圍如崧力鬪出入陣中者三敵攢

射落馬剖其心而死事聞贈二級世襲指揮同知

韓原洞

字開之盧龍人御史應庚子少為諸生詩文有奇氣嘗慷慨悲歌慕古人以身殉國之義

崇禎庚午

本朝大兵臨城原洞與友張汝恭出家資募士拒守城

陷汝恭鬪死原洞拜辭其母出鬪亦死兵去原洞家人收其屍胸前書所著忠國論其文不減弟原

性拒守榛子鎮亦不屈死同時諸生殉難者馮繼京馮聯京周祚新羅世傑羅俊羅琛羅圻胡登龍

胡光奎田種玉田福元田士俊李光春丁應掄李文燦胡起鴻劉可廷武主則張鴻鸞郡民則李應

陽張俊郭重光張宗仁張禮李大敬張尚義傅守望等並祀表忠祠

呂鳴雲

山海衛人崇禎時為揚武營中軍叅將庚午歲

本朝大兵入關鳴雲守郡城戰死追贈遊擊將軍同時

死者中書廖汝欽通判揚爾俊醫官陸橋副總兵

焦延慶指揮僉事張國翰中軍房應祥千總牛星

耀仇耀先卜小峰梁壯威胡承祚張學閔石可玩

等事聞詔

祀表忠祠

楊開泰

山海衛人崇禎庚午郡城破開泰以本路把總率兵偵探至榆關戰死同時死者為山海

衛百戶

楊廷棟

蔡國勳

山海衛人崇禎庚午以千戶率兵復遵化力戰歿於陣督師孫承宗題輿贈指揮僉事有

山海衛千戶嚴大寬者從總

兵趙率教援遵化亦戰死

馮運隆

灤州人由歲貢任河間訓導崇禎士干城陷力戰不屈死之入名宦

程維賢

山海衛人崇禎時由太學生歷任尚寶司卿本術有均徭銀歲僉派為民擾維賢言於當

事力除其弊鄉人德之甲申之變僑居天津土寇竊發以兵相脅不屈而死

本朝

李昌汴

字子遠豐潤人順治初任興縣令姜瓖之叛昌汴抗節不屈罵賊死事平

贈按察司僉

事

馬維熙

字天御山海衛人順治初由拔貢生任忻州同知署偏關廳篆姜瓖之叛被執不屈遇害

事平

贈忻州知州

呂鳴夏

山海衛人鳴雲之兄也自鳴雲死鳴夏撫遺孤恩誼周至鄉人稱之順治初任衛輝太守

以政最遷固原副使值武大定謀逆勒兵相脅鳴夏歷數其罪罵不絕口遂遇害事平

贈

光祿寺卿廕

一子

張師聖

盧龍人順治間以將材任守備累陞登州副將海寇入犯督兵進討歿於陣

陳柱國

盧龍人由行伍補樂亭把總康熙間盜襲樂城柱國赴闕中天為賊所獲遇害奉

旨恩賞銀一百兩以襄葬事入名宦

高顯辰

字欽思灤州人順治初由拔貢生授德安縣令遷雲南府同知與鄉人訣曰吳藩久蓄異

心辰此去當捐軀以報國決不稍自委隨求活也康熙十二年吳逆果叛以兵脅降顯辰不屈仰藥

而死妻戈氏亦自經事平

贈太僕寺卿

張朝臣

字尚望山海衛人中康熙十五年武進士由萬全左衛掌印守備歷陞浙江處州右營都

司康熙四十八年衢賊擾境與協都司孫奇豹前後夾擊兵潰遭害奉

贈安遠將軍廕子

衛千總

保定府

隋

許善心

字務本高陽北新城人仕陳補撰史學士禎明二年聘隋遇高祖伐陳留賓館陳亡拜通

直散騎常侍善心悲伏殿下泣不能語上曰我平陳國惟獲此人既能懷其舊君即是我誠臣也歷

授虞部郎中及守文化及弒逆之日執之朝堂不舞蹈而出化及罵云敢如此不遜遂害之越王稱制贈左光祿大夫謚文節母范時年九十有二臨喪不哭曰能死國難我有兒矣不食十餘日亦終

唐

張

興

來鹿人性忠勇為饒陽裨將安祿山反史思明引衆薄城興擐甲執刀乘城賊將入興一舉刀輒數人死賊皆氣懾城破思明縛之馬前誘之降興責以大義思明怒鋸解之

宋

董元亨

來鹿人通判貝州王則據城叛元亨坐廳事賊黨排闥入左右皆奔潰賊脅之元亨據案

奮擊厲聲張目罵賊遂被害事聞仁宗曰守法之臣也贈太常少卿

元

丁好禮

字敬可，蠡縣人。累官戶部侍郎、京畿漕運使。立漕運成法，人皆便之。尋陞本部尚書，拜參

知政事。明兵入京城，或勸其謁大將好禮，叱曰：「我恨無以報國，所欠惟一死耳。後數日，昇至齊化門。

抗辭不

屈而死

明

柳升

新城人。從靖難起兵，歷官都督僉事、永樂中，以征安南有功，累封安遠侯。阿魯台不奉約

東下，詔伐之。命升將中軍，以從。宣德二年，安南復叛，命升討之。屢勝，輕敵至倒馬坡，遇伏戰死。

寇深

字文淵，唐縣人。為諸生，上言時務，召入胄監。擢刑部主事，累任右僉都御史，巡撫四川，勸

松潘夷平之役提督遼東軍務威名大振天順初
進左都御史逆賊曹欽不法率御史劾之欽反首

為所害賊誅贈少傅
謚莊愍子林以孝聞

楊繼盛

字仲芳容城人嘉靖進士授南吏部主事師
事大司馬韓邦奇盡通其天文地理樂律太

乙壬奇兵陣之學遷兵部車駕司員外劾仇鸞擅
開馬市貶狄道典史鸞敗累擢武選司員外郎疏
論嚴嵩十罪五姦下詔獄或遺以蚺蛇膽云服之
可以禦杖却不受曰椒山自有膽安用蚺蛇哉杖
訖創甚破甕碗刺右股出血數升已復手小及割
左股腐肉旁觀咸戰慄不已卒為嵩陷論死西市
妻張疏乞代死為嵩所抑不得達穆宗初贈太常
少卿謚忠愍立祠致祀

本朝順治十三年

世祖章皇帝御製文二篇勒石旌之

李洙

容城人由世廕為保定後衛指揮僉事歷山西寧武關總兵官嘉靖中邊騎數萬入境巡

撫趙時春親擊之遇伏洙血戰脫時春而自與長子松及遊擊李桂等皆死於八角大虫嶺贈少保

左都督謚忠愍
松贈指揮同知

劉秉仁

唐縣人嘉靖中由貢生任建昌府檢校值流賊犯境戰歿於陣贈太僕丞廕一子入監

孫承宗

字稚繩高陽人萬曆進士殿試第二授編修天啓初累官兵部尚書東閣大學士仍掌兵

部事時遼陽廣寧已為本朝所破以承宗督理薊遼諸軍務既至定軍制建營

舍練火器治軍儲汰逃將恤難民又繕寧遠城以守軍威大振魏璫黨阻之乞歸崇禎中詔起原官駐通州調諸將督戰有功加太傅辭不受尋復歸里

本朝大兵入高陽死之年七十六子七人銓高縣知縣時在官銓舉人戰敗被執砍臂及胸終不屈死銓先病死銓庠生中三天卧積屍側僕負歸飲水死鎗尚寶司丞戰殺數人被執鬻割死鈔竊俱戰死城下銓子之沆中書舍人之滂庠生皆死之滂斷腰爪土深尺許死鈴子之滂庠生當豢宗未死時先被執卒砍頭墮血濺豢宗衣豢宗笑曰真吾孫也鈴子之浩尚寶司丞力戰矢穴腹貫背死鎗子之瀛使養馬不伏沸湯沃頭面皮肉糜爛死兄敬宗子銜銜子之渙之瀚從子鍊子之澈之漢之沫之澤皆死婦女僮僕死者三十餘人

魏克家

高陽人崇禎舉人知山東鄒平縣有善政尋乞歸里居

本朝大兵破城

殉節死

鹿善繼

字伯順定興人御史久徵之孫萬厯進士授戶部主事天啓初改兵部陞郎中閣臣孫承

宗出督師表為贊畫布衣羸馬出入亭障間與將卒相勞苦承宗倚若左右手其拓地四百里收復數十城堡善繼之助為多崇禎初遷太常少御尋移病去丙子

本朝大兵破定興同薛一鶚守城中三及一天死事聞贈大理御謚忠節善繼性至孝母亡哭泣絡血與

父共卧起者二十年子化麟舉天啓辛酉鄉試第一伏闕訟父忠悲哀病卒孫盡心崇禎丙子舉人

薛一鶚

字百當定興人倅黃州擢知蘭州有惠政州人立石頌德崇禎丙子城潰怒眦不屈與鹿

太常善繼
同日被難

唐中穎

雄縣人崇禎丙子兵亂舉家避難父八旬病不能行命中穎去中穎泣曰生死相依惟此

地也城
破死之

高重光

字秀恒大寧中衛人由貢生為栢鄉教諭歲
荒民作亂邱縣重光率健僕吳某出擊之賊潰城

以完叙功陞邱縣知縣廉而有威崇禎戊寅邱縣
被兵百姓欲負之逃重光不可佩印赴井死入名
宦

張純儒

字士芳新安人以恩貢第一人除臨城訓導
崇禎戊寅

本朝大兵至城下誓死守城城陷攜兩幼子端坐明倫
堂被執不屈身受數十創從城頭擲下兵去土人
識為邑博扶掖至
學宮而死入名宦

王喬棟

字弱侯雄縣人萬厯進士知朝邑縣邑紳王
之寀為魏忠賢誣坐賅勒令嚴追喬棟不忍

納印而歸忠賢誅陞湖廣糧道督餉興國州闕賊大至城陷被執不屈死之

尹洗

字淨明安肅人天啓進士由縣令擢給事中
以忤當道外補未任城陷為賊所獲不屈死

王世琇

字昆良保定大寧衛人崇禎進士授歸德推官李自成陷陳州乘勝犯歸德世琇時已遷

工部主事將行慨然曰久官其地臨難而去之非義也遂與同知顏則孔經歷徐一源商邱知縣梁

以樟教諭夏世英里居尚書周士樸
誓衆堅守賊攻圍七日城陷遇害

李乘雲

高陽人崇禎舉人知浮山縣流賊數萬來寇乘雲手發一天斃其魁衆遂遁屢遷河南大

梁道李自成陷禹州乘雲誓死堅守以食盡城陷被執使跪罵不絕聲縛諸樹攢射之仍大罵斷其

舌亂及交下而死
事聞贈光祿卿

許純誠

定興人崇禎中見時事日亂棄諸生登武科授濟寧守備值土賊熾擊之乘勝窮追賊扼

之於險斷一臂死其屍不仆賊莫敢近事聞予贈廕

李邁林

完縣人任甬池知縣崇禎中流寇破城不屈遇害事聞贈都察院經歷祀名宦

劉名言

唐縣人由歲貢為深州訓導崇禎十五年城陷死之入名宦

賀秉鉞

字司平大寧左衛人狀魁悟有膂力精騎射崇禎辛未一甲三名武進士歷官天津叅將

壬午扶父櫬自狼山抵臨清會城陷巷戰終日天盡被執不屈自殺

賀讚

字含章大寧左衛人崇禎時武進士任京營副將流寇薄京城率健兒與闖賊大戰高梁

橋陣歿四十日家人始得其屍面目如生

賀珍

保定人性忠直官副將屯平則門外闖逆入珍率千騎力戰陷陣死

金毓峒

字鶴沖一字稚鶴保定完縣人居郡城崇禎進士授中書轉御史所上寬征徭誅馘帥解

黨錮慎銓法諸疏一時誦之出按陝西會起陝督孫傅庭出戰毓峒以兵未練宜守抗疏爭之不納

戰果敗尋命監李建泰軍建泰逼留保定流賊偪城毓峒與邵丞邵宗元里紳張羅彥等誓死分守

盡出家財募士庀銀牌於城樓令擊賊者取之城陷為賊所迫且戰且走血淋漓灑道上至城隅三

皇廟投井死妻王氏自縊從子貢生肖孫與其弟武舉振孫俱從守城振孫挾矢墜一賊渠及變躍

馬巷戰手殺數人賊支解之先是毓峒謂肖孫曰死易存孤難汝勉其難者肖孫泣而受命城破時

肖孫子嬰妻陳氏及婢桂香皆已投井肖孫獨將毓峒子懋孫憲孫匿窮里空舍賊大索兩孤肖孫

備嘗炮烙體剝無完膚終不言賊亦義之舍而去三日後乃求甄峒振孫及其妻子屍奠馬入名宦

張羅俊

字元美清苑人都督僉事純臣之子崇禎進士弟羅彥字仲美一字好我亦進士累官光

祿卿降級歸羅善字彛卿庠生羅輔字中堂武進士及羅詰兄弟五人本將家子有智略人倚重馬流賊掠保定羅俊兄弟詣署知府邵宗元歃血盟城樓各分堞守會工命大學士李建泰督師救山西聞賊輒退至保定賊火箭射城樓焚建泰親兵為內應遂陷羅俊遇賊齧其耳及交背死羅輔巷戰射殺數十人乃死羅彥冠帶自經羅善投井死羅俊子仲庠生被殺羅輔妻白氏攜二子二女投井死羅彥子晉妻趙氏妾宋氏錢氏幼女及子妻師氏五人投井趙氏獨後井積屍欲死不得家

人出之見晉子華宗坐地曰天欲我存此孤兒耶
乃把匿空室竟免羅善妻高氏攜三女亦投井死
張氏兄弟五人其四皆死惟羅詰出而妻王氏亦
死馬又羅俊伯母李氏年七十七罵賊死從弟羅
士與妻高氏族子震與妻徐氏俱與
妻劉氏皆死一門死者凡二十三人

呂應蛟

字西安保定右衛人任密雲副總兵里居值
流寇攻城總監方正化知其能延與同守應

蛟獎率士卒戮力分防城陷猶力戰手及十餘賊
死鋒鏑下同時武臣守備則張大同並子之垣力
戰死中軍則梁儒秀鎮撫則管民治千戶則楊仁
政李尚忠紀勳趙世貴劉本源侯繼先張守道百
戶則劉朝卿劉悅田守正王好善強忠武
王爾祉把總則郝國忠申錫俱殉城死

劉忠嗣

字蓋堂清苑人世襲大寧後衛指揮流賊攻
郡與張羅彥分守東門賊來誘降衆意稍移

忠嗣橫劍厲聲曰有不拒賊者膏我劍衆奮呼諾
聲震城下賊驚顧退五里許城危召妹楊千戶妻
歸同妻毛氏子婦王氏暨女閉一室中俱以弓弦
勒死仍登陴抗賊城破被執索其印大怒叱咤奪
刃殺兩賊賊衆至為所縛劍目劓鼻支解死時文
運昌字盛宇亦襲指揮與妻宋氏同赴井死又指
揮劉洪恩戴世爵劉元靖呂
九章呂炤李一廣俱殉難死

高涇

清苑人宗禎舉人以孝聞城陷負母逃遇賊
求釋母獨就執間道赴水死同時清苑殉節

者舉人則張爾翬孫從範不屈死武進士則陳國
政投井死守備則張大同與子之垣力戰死平涼
通判張維綱罵賊死貢生則王聯芳為賊所執不
屈死諸生則王印嘉號呼巷戰亂賊殺死王景曜
罵賊射死杜日芳投井死何一中王絃王性吳戩
韓延珍楊善譽何光岳頡學曾王敬嗣王繼柱趙

居晉王昌祚孫誠趙世珩楊拱辰王建極阮積學
王世珩王致中王祚昌王建基劉士廉周之翰俱
殉城死材官王遵義醫官吳國寶王鑛王之瑄俱
死布衣則劉宗向沙潤明迎刃死楊強子及賊勢
屈自刎死鄭國寧擊賊不中被殺死田仰名劉自
重張嘉善縊死李懋倫王捷張智劉養心朱永寧
胡來獻胡得銀
黃棟俱拒賊死

劉會昌

字凝極清苑人崇禎舉人與郡丞邵宗元郡
紳張羅彥等誓死守城城陷賊拽會昌至西

關古廟裂眦大罵賊怒疊夾三次然惜其壯氣百
計誘降終不屈遂遇害懸首西市賊去百姓環聚
呼曰此吾鄉劉凝極先生生不肯
棄城死不肯降賊者也共收葬之

韓東明

安肅人舉人任邠州知州城陷從容具衣冠
望闕拜畢辭家廟赴井死又有王嘉印墜城

死韓紹淹拒賊
死俱安肅人

陳嘉猷

字忠軒慶都人歲貢生篤學勵行士之遊其門者多所造就遊庠者七十餘人皆恂恂濟

濟不問知為陳君弟子
後流寇陷城殉節死

郭鳴世

祁州人貢生方寢疾聞城陷衣巾端坐賊入持棒奮擊為賊衆殺死

賀誠

字九章大寧司庠生父虎臣任寧夏總兵戰歿兄諾得蔭千戶世襲之嗣例及誠誠以讓

弟詮當郡城陷家人勸更利叱曰吾忠臣之子今更衣逃何以見先將軍於地下衣巾同妻高氏暨

女投井死

王之珽

字鳳章大寧司庠生流賊偪城先一日置酒謂妻子曰士不可辱婦女尤甚過此以往再

圖家庭之樂則在泉下矣城陷
借妻齊氏並三子二女投井死

韓

楓

字湛江滿城人庠生以孝友聞賊薄城力守
五晝夜城陷下俾與父訣猶追殺賊賊聚至

借妻王氏投井賊怒掘井口
石墜擊之殮時頭膚俱裂

馮

澤

蠡縣人甲申三月
流寇陷城殉節死

本朝

劉金柱

定興人明崇禎
丙子以諸生隨

大兵而東教授旗下順治二年守開州陞吉安知府金
逆叛不屈死事聞

贈

卹詳名宦

志

王

顯

字衆微慶都人明崇禎時副榜貢生遇變棄妻全母聞者稱孝順治二年除金谿令土寇

未靖單騎入巢降其渠魁蔡姓者百姓獲安後金賊破城遇害

陳宗瞻

大寧衛人徽州知府士章子性孝友由貢生知隰州有勦賊功後為賊所殺

王家珍

容城人幼以文章節義自雄順治二年由貢生為朔州牧五年總兵姜瓖叛守土者多望

風奔竄家珍以義感動士民一心固守守備張為姜內應開門延賊珍奮力巷戰被執不屈賊支解之每割一臠問曰降乎珍血肉飄零至死罵不絕聲全家被害順治十年

贈山西布政司

叅議

劉之屏

字方伯保定左衛人順治丙戌進士授夏縣令會大同總兵姜瓖叛逆盜賊乘間起中條

山大寇張武犯境殺掠甚慘士民皆逃匿山寨中
守陴者僅僕役數人尋亦散去之屏埋印於土公
服坐城上賊至索印不應擁至城隍廟殺之以賊
恨其嘗督縣尉捕之幾窘也事聞

特贈

按察司僉事廕其子迎
皓為上林苑署丞

李

渴字北海定興人順治五年知渭源縣轉臨洮
同知未任值逆徇之變殉節死事平

贈按察司

僉事廕一
子光祿監事

陳上年

字祺公清苑人順治己丑進士孝友有志節
歷官廣西布政司叅議逆寇破梧州迫以官
力拒不受幽死事聞

張所蘊

高陽人由武舉歷官湖廣襄陽守備勦賊衝
鋒死於陣康熙間

贈都司僉事
予祭葬

章

倫

山陰人寄籍清苑以州同發往雲南試用雍正八年於攸樂縣協辦城工途值思普逆寇

悖叛被圍倫罵賊不屈被害事平

贈雲南

知州祭葬如例廕一子入監

沈

洪

山陰人入籍安肅任雲南新平縣典史署揚武壩巡檢雍正八年新平逆獠作叛洪率兵

奮勇抵禦賊衆力戰不敵被害事平

贈縣

主簿祭葬如例

河間府

南北朝魏

京

諒

字修賢河間人好學強識孝文妙選僚佐諒與隴西李仲尚趙郡李鳳起等同時被選正

光中為徐州行臺至彭城屬元法僧反背諒不從遂遇害謚曰忠侯

明

周

東

字伯震阜城人成化甲辰進士歷官大理寺少卿奉命勘事陝西寘藩之變殉節死事聞

予祭葬

王允長

吳橋人由鄉舉歷官河南分守道流寇數萬哭至允長堅守城不能攻叛將王紹禹假稱

援兵入城為內應城遂陷允長率弟允才巷戰允才鬪死允長撞死城下事聞贈允長光祿寺卿賜祭葬廕一

子入監

李禎宁

任邱人萬曆進士累官山西按察使罷歸崇禎十一年

本朝大兵南下，禎、宇佐知縣白慧元拒守，城破，率家衆格鬪，身中數擗而死。一門從死者數人。

賈太初

河間人，田進士官襄陽知縣，以憂歸。崇禎十一年，城破，死之。

范景文

字夢章，吳橋人。萬曆進士，授東昌推官。署其門曰：「不受囑，不受餽，時人謂之二不公。」擢吏

部主事。工疏請革弊政，魏瑞惡之。周順昌被逮，景文力救，幾及禍。崇禎初，累官南京兵部尚書。時闕賊蹂躪豫楚，將順流南下。景文綢繆戰守，定營制，治樓船，練火器，壁壘一新。賊不敢渡江，楊嗣昌奪情輔政。黃道周等交諫，獲罪。景文論救，亦削籍。尋起刑工部尚書。十七年，拜東閣大學士。賊已逼都城，帝召諸臣集議。景文曰：「聯絡人心，堅守待援，此臣所知。他非敢議城陷。」傳帝已幸南京。景文望闕再拜，賦絕命詞，有「翠華迷草露，淮水派烟淅」之句。遂投龍泉巷大井中死。福王時，贈太傅，謚文貞。

本朝賜諡文忠

建祠祀之

孟兆祥

字允吉交河人天啓進士授大理評事擢吏部員外郎時軍興多故莊烈帝宵衣視事或

至夜分未寢士大夫斧門戶締鉤黨唯兆祥不附和聲氣不受請託尋以事忤擢闈降行人屢遷刑部右侍郎李自成逼京師兆祥分守正陽門城陷或勸之還鄉兆祥厲聲曰社稷已覆吾將安之仰天大慟望闕叩頭曰臣力止此矣遂自經於城樓下妻何氏聞難亦縊死福王時謚忠貞

本朝賜諡

忠端

孟章明

字綱宜兆祥子崇禎進士生平以忠孝自許人謂其父子為蒼松勁栢方兆祥守正陽門

章明侍側兆祥頗謂曰我為大臣義不苟活汝未受職可免也章明曰人生大節唯君與父君父既

死何以生為兆祥既縊章明歸殮畢謂妻王氏曰
吾將從大人於地下王氏曰夫死妾請從章明以
頭搶地曰謝夫人然夫人盍先死王氏遂縊章明
為絕命辭取緋衣加妻身亦自衣朝服縊死福王
時謚節愍
本朝賜謚忠僖

劉伯駱

河間人以拔貢任西華令崇禎末流寇攻城
糧盡援絕城陷曰吾為印官當與城存亡遂
不屈而死

本朝

曲良貴

獻縣人順治初由貢生任興安知州姜瓖叛
逆盡力禦守以衆寡不敵城陷罵賊死事聞

字貽廕

竇

劣

吳橋人善騎射胆略過人順治初土賊竊發有梁遊擊者在子家集被圍劣率壯丁二十

餘人往援之圍解梁將因言於有司使團練鄉兵賊畏之不敢犯秋雨後賊勢復大劣獨當數騎賊

遠圍之短兵格

關中攢矢死

劉澤厚

字敕安吳橋人年十五隨母省王外父於河南適流寇陷城澤厚負母以逃與賊格鬪身

被重創卒脫母於難順治十六年成進士授四川

江安令有惠政時十三家餘孽未靖剽掠至縣澤

厚督家丁迎敵遂死於陣康熙五年

特贈按察司僉事廕一子入監

天津府

漢

鮑宣

字子都渤海高成人好學明經哀帝初徵為諫大夫是時丁傅子弟並進董賢貴幸宣上

書切諫上以宣名儒優容之復拜為司隸尋以罪下廷尉太學諸生千餘人守闕上書乃減罪王莽秉政陰除漢忠直臣不附已者宣及何武等皆遇害

巴

肅

字恭祖渤海高城人初察孝廉歷貝邱長遷拜議郎與竇武陳蕃謀誅宦官坐黨禁錮後

中常侍曹節收之肅自載詣縣縣令解印綬與俱去肅曰為人臣者有謀不敢隱有罪不逃刑遂被害

元

楊乘

字文載滄州人至正初為介休縣尹民饑為盜乘招之皆棄兵頓首願為良民累官江浙

行省左右員外郎免官寓居松江張士誠據平江遣張經招之乘讓經曰平日讀書云何經俯首不能對乘整衣冠自經死

明

殷尚質

天津人由武科歷任遼東總兵官嘉靖中遇敵赴鬪兵盡援絕歿於陣事聞贈少保謚忠

勇

李崇德

青縣人由舉人歷任戶部員外郎崇禎十一年

本朝

大兵破縣殉節死

本朝

王正志

靜海人累官延綏巡撫僉都御史軍政修飭邊境肅然後順治五年姜瓖構逆城守月餘

持

贈左都御史廕一子力竭城陷死之事平

王顯謨

天津人任漳州同知海寇破城被執賊怒其不屈埋其身露首賊死事聞

贈

按察司副使廕姪元翰太和知縣

周天命

天津人任天津叅將順治初土寇作亂率兵往勦血戰而死事平

贈

卹官其弟明命都司經歷入名宦

李尚賢

慶雲人順治年巨寇圍城賢持兵符踰圍出赴鹽山求援遇寇搜得其書賢給賊曰我當

叩門獻城賊信之及至城下曰奉使無狀被賊所執今死矣賊單弱堅守城萬無虞也賊怒殺之

畿輔通志卷七十六

欽定四庫全書

畿輔通志卷七十七

忠節 義烈附

正定府

三國漢

趙

廣 常山真定人雲次子後主為牙門將以戰死

南北朝魏

魏

質 字懷素下曲陽人年十四啓母求就徐遵明受業五六年中通諸經大義自學言歸生徒

輻輳後避葛榮難居飛龍山為亂
賊所害興和二年賜諡貞烈先生

宋

楊粹中

真定人建炎二年知濮州金兵大入粹中固
守不下尼堪易之粹中遣將姚端乘不意夜

擣其營直犯中軍尼堪跣足走僅以身免遂急攻
之凡三十三日而陷入城粹中登浮圖不下尼堪
嘉其忠義許以不死乃以粹中
歸不屈而死贈徽猷閣待制

郭忠義

真定人受易中庸於程頤以父任補官登進
士第累官河東提舉靖康初名為軍器少監

改永興軍路提刑獄金人入侵與
經畧唐重分城拒守城陷死之

金

周昂

字德卿真定人第進士調南和簿有異政拜監察御史大安中兵興權行六部員外郎昂

孝友嘉名節學術醇正文辭高雅諸儒皆師尊之既歷臺省為人所擠後為翰林言事愈切出佐宗室承裕軍承裕失利眾欲徑歸昂獨不從城陷與從子嗣明同死於難

路

鐸

字宣叔真定人與弟鈞俱有重名而鐸文最

高尤長於詩章宗時為大定軍節度副使改東平府治中嘗述二十訓以教民庶官臺諫有古直臣風諫章宗元妃李氏兄弟怙寵納賂將有揚國忠之禍坐除名貞祐初起為益州防禦使城陷投泌水死

元

董

俊

字用章蒙城人少力田長涉書史善騎射元初擢知中山府事金將武仙據真定俊率眾

逐之時陞豪城縣為永安州號其衆為匡國軍事
一委俊金主棄汴奔歸德追圍之金兵夜出薄諸
軍於水俊力戰死馬俊早喪父事母以孝聞忠實
自許臨陣勇氣懾衆立矢石間怡然若無事善戰
而不妄殺人樂為之
用贈趙國公諡忠烈

董士元

字長卿俊之孫文炳長子也中統初供奉內
班從車駕北巡帝知其忠勤尋遷武節將軍

從太師博囉歡攻揚州以部兵赴敵死戰身
被十七創至營而絕至大元年贈諡忠愍

張

桓

字彥成蒙城人以國子生釋褐累官監察御
史以言事不合去汝寧盜起桓避之確山賊

久知桓名襲獲之擁至渠帥前桓據前榻坐與之
抗論順逆其徒捧桓跪桓仰天呼詈賊知終不可
屈遂刺之賊後語人曰張御史真鐵漢
害之可惜事聞贈禮部尚書諡忠潔

趙弘毅

字仁卿晉州人授經於臨川吳澄歷國史院編修官調大樂署令明兵入京城弘毅嘆曰

我不能救社稷惟有一死耳與妻解氏皆自縊

趙

恭

弘毅子中書勾管京師陷與妻子訣曰我父子食祿不能効尺寸力吾父母已死尚何敢

愛死乎遂公服北向再拜縊死

明

呂

鐘

晉州人弘治進士知武進縣有治行擢御史首劾劉瑾所昵亞卿四人瑾銜之諷吏部遷

鐘山西叅議隨以他事矯旨送錦衣獄杖而黜之復啖鐘怨望誣以飛語再下獄斃於杖世宗即位

贈道政司叅議

侯保

贊皇人以國子生知襄城縣坐事落職襄民李仲等數百人赴闕陳請泣留詔還職尋以

取勛錢糧充潘陽戍未及役刑科給事中胡信以清廉撫民才堪大用力舉之復除知潁榆縣擢知交州以課最陞交趾布政司右叅政時巨寇為亂保前後三十七戰生擒賊首三十四人後以衆寡不敵遇害人皆稱之

梁

心

正定人以三科武舉歷官保定遊擊擢鎮邊叅將詔遣內韜王忠掘採銀洞心繪圖逼中所司

謂銀洞逼近陵園龍脉所闕力爭不可忠採無所得索軍餉代充心死不從忠誣奏心茂音不法逮繫下詔獄推剝楚毒萬狀言官梁有年彭端等惜其忠累三十餘疏仲救不報禁錮十六年竟死於獄

耿三麟

靈壽人崇禎時任安肅教諭丙子邊警卒衆士登陴死守及城陷不屈死之入名宦

馬從聘

字起莘靈壽人萬厯進士授青州推官決獄有聲擢御史出理兩淮鹽課奏罷開礦奸人

田應璧請製賣沒官餘鹽從聘極陳其欺罔狀皆不報改按蘇松疏論蘇松常鎮增稅課之害乞減

免不報以久次擢太僕寺少卿拜僉都御史巡撫延綏有搃勦功會引疾歸後加兵部右侍郎家居

二十餘年屢薦不起崇禎十一年城破北而再拜顧三子士懋士通士偉曰吾大臣必不可辱汝曹

生無害也三子皆自縊同從聘死贈兵部尚書諡介愍

耿蔭樓

字旋極靈壽人天啓中任臨淄知縣有倡邪教謀不軌者蔭樓勦破之久旱囚服暴烈日

中泣於壇雨立澍崇禎中入為兵部主事歷吏部員外郎假歸值城破偕子叅並死之贈光祿寺少

卿

周時雨

行唐人官潼川州同知崇禎十一年與弟淮安府同知霖雨倒馬關叅將甘雨皆罷里居

值城

被圍誓死堅守城破皆殉難事聞予祭稱一家三仁

許嗣復

井陘人崇禎歲貢任陝西潼關衛教授操守嚴潔崇禎十六年闖賊李自成寇陷潼關嗣

復與監軍道喬遷高指揮張猷同盡節死

梁清宏

夢龍曾孫由世襲錦衣衛副千戶擢北鎮撫司掌刑在職明允不事株連諸逮獄者加意

恤惠皆以為感歷遷都指揮使仍掌司事闖賊破京城不食而卒

本朝

趙丕承

正定府人順治初由選貢知鄆縣逆賊王先秦陷城被執罵賊不屈死

順德府

隋

游

元字楚客廣平任人少聰敏仕周歷壽春令譙州司馬俱有能名開皇中為殿內侍御煬帝

時遷尚書度支郎字文述等九軍敗績煬帝令元按其獄述時貴倖遣家僮造元請屬元不之見他日按述愈急仍以屬請狀劾之帝嘉其公正奉使黎陽元感作逆元引正義責之元感怒囚之脇以兵竟不屈節見害贈銀青光祿大夫

明

侯

泰

南和人洪武末由禮部員外郎起擢刑部右侍郎建文中進尚書出督軍餉靖難兵起京

師失守秦被執不屈同
弟敬祖子玘俱死之

馬思聰

平鄉人進士知莆田縣有惠政
陞主事使江西死宸濠之難

檀光閻

字開美任縣人髫年補弟子員為文昌明博
大年十七登鄉薦斂飭如處子居喪一遵古
禮尤究心性理及河洛之數嘗讀揚子太玄不得
其解以至廢寢食崇禎十一年

本朝大兵入城

殉難卒

張師顏

沙河人子其度其銜具法其程皆勇健崇
禎十三年流寇圍城父子五人力戰遇害

傅梅

邢臺人萬歷中舉人由登封知縣入為刑部
主事張差挺擊之獄司官胡士相猶以風癩

蔽之梅力爭獄乃成及差棄市猶慮其潛易請自
監刑羣小疾之以京察奪官崇禎中由台州知府

里居十五年

本朝大兵至與知府吉孔嘉在籍中書舍人孟魯鋒皆

之死

牛文科

任縣人素有胆畧明崇禎十三年知縣盧時升舉為練總禦賊有功直指使者題授本府

守簡十五年

本朝大兵壓境力戰而死

張夢齡

平鄉人崇禎中以舉人為任邱縣教諭

本朝大兵至城下

夢齡死之

陳滿堂

鉅鹿人崇禎時為正定鎮標官甲申偽將劉宗敏犯城人多納款滿堂憤哭還家後紅巾

賊侵鉅鹿城破被執不屈與黨金湖李顯榮等同遇害邑人建祠祀之

本朝

夏

謨

平鄉人順治初官崇仁令寇亂推誠往撫為賊所執脇降不屈死之

吳盡忠

任縣人原任山海關都司順治初土寇猖獗盡忠効力守城乘夜擊賊敗之城賴以安六

年復有賊百餘騎劫掠至臺南盡忠率衆追至邢家灣單騎突入賊圍馬蹶為賊所執欲降之盡忠唾罵不屈被害

姬登第

邢臺人任寧夏廣武營遊擊雍正二年進勦棹子山逆番陣亡七年

賜卹

廕一子隆周以

守備推用

廣平府

周

李

同

邯鄲傳舍吏子秦急圍邯鄲邯鄲且降李同說平原君曰邯鄲之民炊骨易子而食可謂

急矣今君誠能令夫人以下編於士卒之間分功而作家之所有盡散以饗士士方其危苦之時易德耳平原君從之得敢死之士三千人李同遂與三千人赴秦軍秦軍為之却三十里亦會楚魏救至秦兵遂罷邯鄲復存李同戰死封其父為李侯

漢

李

雲

字行祖甘陵國甘陵人也性好學善陰陽初舉孝廉再遷白馬令桓帝延熹二年誅大將

軍梁冀而中常侍單超等五人皆以誅冀功並封列侯專權選舉雲素剛心不能忍乃露布上書移

副三府帝得奏震怒下有司逮雲送黃門北寺獄
時弘農五官掾杜衆傷雲以忠諫獲罪上書願與
雲同日死帝愈怒遂并下廷尉大鴻臚陳蕃上疏
救雲太常楊秉洛陽市長沐茂郎中上官資並上
疏請雲詔切責蕃秉免歸田里
茂資貶秩二等雲衆皆死獄中

沮

授

廣平人少有大志多權畧仕州別駕舉茂才
歷二縣令又為韓馥別駕表拜騎都尉袁紹

領冀州表為奮武將軍使監護諸將及紹攻曹操
授數以策說紹不能用官渡之敗授為操所執操
釋而厚遇之授尋
謀歸袁氏乃見殺

魏

宋叔集

列人人世景弟有學行征東裴衍之討葛榮
也表為員外散騎侍郎引同戎役及衍敗同

時遇
害

北齊

陳季璩

廣平人元康弟為鉅鹿太守轉冀州別駕平秦王歸彥反季璩守節不從因而遇害贈衛

尉
卿

五代晉

王清

字志瑕洺州曲周人初事唐為寧衛指揮使後事晉為奉國都虞侯開運二年從杜重威

戰陽城清以力戰功為步軍之最加檢校司徒是冬重威軍中渡橋南敵軍其北敵以精騎出晉軍後南擊樂城斷晉餉道清謂重威曰晉軍危矣營孤食盡將若之何請以步軍二千為先鋒奪橋開

路公率諸軍繼進以入鎮州可以守也重威許之
遣與宋彥筠俱前清與敵戰敗之奪其橋是時重
威猶豫不肯進彥筠亦退走清曰吾
獨死於此矣因力戰而死贈太傅

宋

李若水

字清卿洺州曲周人上舍登第調平陽府司
錄試學官第一除太學博士靖康元年將遣

使至金國詔舉可使者若水在選中遷著作佐郎
為使見尼瑪哈於雲中既還擢若水禮部尚書固辭
改吏部侍郎二年金人邀帝出郊若水扈從以行
金人計中變若水絕不食或勉之曰今日順從明
日富貴矣若水嘆曰天無二日若水寧有二主哉
後旬日尼瑪哈召計事若水罵不絕口監軍者搥破
其唇噴血罵愈切至以刃裂頸斷舌而死高宗下
詔曰若水忠義之節無與比倫達於朕聞為之涕

泣特贈觀文殿
學士謚忠愍

李

升

洺州永年人進士起家靖康之難
升翼其父以替受办與長子俱卒

金

毛

佺

恩州人貞祐中為盜宣宗南渡置為義軍招
撫哀宗遷蔡以佺為都尉圍城之戰佺力居

多城破自縊
其子先戰歿

元

李

齊

字公平廣平人工辭章元統元年進士第一
歷僉河南淮西廉訪司事移知高郵府有政

聲至正十三年泰州民張士誠為亂行省遣齊為
招降被拘久之使縱齊來歸泰州平賊徒尚議聚

士誠復鼓變已而有詔赦之詔至賊詔曰請李知府來乃受命行省強齊往至則下齊獄中官軍謀知之乃進攻賊士誠呼齊使跪齊叱曰吾膝如鐵豈肯為賊屈也士誠怒扼之跪齊立而詬之乃曳倒搥碎其膝而劓之論者謂大科三魁若台哈布哈沒海上李黼隕九江泊齊之死皆不負所學云

王士元

字堯佐恩州人泰定進士累遷知澹州至正十七年寇至城陷士元坐堂上顧子知微令引去知微不忍走賊前問曰爾為誰士元曰我王知州也賊欲縛之士元奮拳毆賊遂並其子殺之

明

王邦直

字國寧磁州人生而駢脇有神力人稱王千斤弱冠補諸生好騎射窮韜畧嘉靖中詔舉

天下武勇給事中戴夢桂等薦之詔送大同立功敵數萬騎犯鵝鷓峪同故叅將張鳳等禦之大呼

入陣敵圍之數重鳳等皆力戰死邦直猶奮大刀斬數十人力竭遇害事聞贈都指揮僉事為建祠

與鳳並祀

張

汶

字陵江邯鄲人國彥曾孫以廕為都督府經歷因議京營兵餉事廷辱魏閻怒矯旨杖

一百汶罵愈厲或勸之少貶汶曰頭可斷志不可回也遂就械絕飲食而死崇禎初贈員外郎

鍾希顏

字心卓清河人天啓進士由戶部郎中陞冀北道歸里崇禎十一年遇閻賊亂城陷不屈

死同時有靈璧知縣王茂遠貢生解嗣昇皆殉難

侯君擢

字際明成安人由舉人累遷知陳州方下車而賊至登城誓衆晝夜拒守力竭城陷賊執

之至死罵不絕口贈叅議廕一子於陳橋驛建祠祀之

王國明

廣平人庠生嫻武藝膂力過人生平談忠義激昂慷慨崇禎十三年冬寇薄城下國明率

鄉勇數十人禦之力戰竟日不克被殺於關北之謝村次年學使者吳為之勒石表墓並優免其役

申為憲

永年人由進士歷官山東副使崇禎十五年

本朝大兵破城

殉節死

李昌期

字邳隆永年人由進士任兗州推官嘗破土寇萬餘撫按獎其才崇禎十五年

本朝大兵下山東兗州

破死之贈僉事

申佳廕

字孔嘉永年人崇禎進士由知縣擢文選主事歷太僕丞出迨畿閩馬聞居庸陷疾馳入

都京城不守謂從者曰吾起微賤食祿十三年國事至此敢愛死乎將入井謂其僕曰告太安人有

于作忠臣勿過傷也遂躍入死
福王時贈大僕少卿謚節愍

本朝賜謚端愍

建祠祀之

王之統

字萃州成安人居家多義行以歲
貢官趙州訓導值亂分守東門

本朝大兵破城殉節於
明倫堂見名宦

胡

淵

字見心永年人歲貢任盱眙主簿流寇壓境
淵竭力死守或謂非印官可去淵曰同為朝

廷守土豈敢獨生奮袂而起至龜山寺手刃數賊
賊驚怖特遁會馬蹶被執大罵不屈死事聞于祭
葬

宋湯齊

肥鄉人崇禎間為諸生聞京師陷與同庠郭
珩王拱宸等起兵討李自成為自成將張汝

所殺

殷

淵

字仲弘雞澤人父大白崇禎間為關南監軍副使楊嗣昌陷以失機論死淵上書請代跪

朝門外五日奉旨詰責淵遂棄舉子業隱山中團練其鄉人李賊犯京師倡義勤王率兵二千人至栢鄉聞都城陷乃還設龍亭哭臨賊衆至被殺屍暴烈日中十餘日不壞有黃犬守之不去土人以神祀之

常仕艾

成安人充正定營書四十年小心無過崇禎末從征流賊受箭傷且死悲歌曰報國一心

終未遂願為厲鬼向西征歌畢遂死撫院楊開之嘉嘆令厚卹之

本朝

劉

璇字章思永平人貢生喜為詩知沁源縣遷鄆陽同知賊王光泰攻城陷被執呵曰若不

贈按察司

副使

張目厲罵不屈被殺

李芳

字銀槎廣平人由舉人知鄜州王永強之亂竭力拒守城破不屈死

贈按察司僉事
予祭葬廕一子入監

宋永譽

字葆祉永平人由舉人知鄆縣值逆賊賀珍作亂永譽預畫戰守計誓與城存亡珍持牌

誘降許以厚祿永譽被執挺立罵不絕口賊怒遂手刃
平之事

贈按察司僉事廕

一子入監

大名府

唐

李敬業

離狐人勅之孫少從勅征伐有勇名歷太僕少卿襲英國公為眉州刺史嗣聖元年諸武

擅命敬業謀起兵稱匡復府上將鎮揚州大都督旬日兵十餘萬傳檄州縣疏武后過惡復廬陵王

位武后遣李孝逸擊之兵敗死

杜求仁

湘州洹水人正倫從子有雅才永淳中授監祭御史坐事為黜令與徐敬業舉兵為典復

府左長史死於難

南霽雲

魏州頓邱人尚衡擊汴州賊以為先鋒遣至睢陽與張巡計事遂留事巡巡遣霽雲求救

於賀蘭進明進明忌巡聲威無出師意愛霽雲壯
欲留之為具食霽雲慷慨曰雲來時睢陽人不食
月餘日矣義不忍獨食因拔刀斷一指以示進明
一座皆大驚泣下雲知進明終無出師意即馳去
未幾城陷賊以刀脇降巡巡不屈又降霽雲雲未
應巡呼曰南八男兒死耳不可為不義屈雲笑曰
欲將以有為也公有
言雲敢不死遂死之

谷從政

魏州昌樂人崇義子畧涉儒學有風操事李
寶臣虛定州刺史及惟岳知節度與田悅謀

拒命從政極諫不納從政塞門移疾不屈惟岳疑
其怨望日伺之從政乃仰藥死曰吾不恨死而痛
渠覆宗矣後惟岳被殺
於王武俊如其揣云

吳

澈

濮州濮陽人章敬皇后之弟代宗立擢太子
詹事建中初遷金吾大將軍澈循循有禮讓

無佞氣矜色見重朝廷朱泚反詔大臣持節慰曉德宗顧左右無敢行淑曰陛下不以臣無能願至賊中喻天子之意帝大悅即日賚詔見泚具道帝待以不疑者而泚故留淑不遣卒被害贈太子太保諡曰忠子士矩文學早就喜與豪英遊開成初為江西觀察使

樂彥禎

魏州人歷博州刺史下河陽有功遷澶州詔領魏博留後進節度使累加檢校尚書左僕

射同中書門下平章事彥禎喜儒術引公乘億李山甫皆在幕府嗣襄王燭之亂彥禎使山甫往見鎮州王鎔欲合幽邢滄諸鎮同盟拒賊鎔厚謝卒不克已而軍亂彥禎被殺

宋

郭

永

大名元城人少剛敏勇決為丹州司法叅軍守武人為奸利無所忌永數引法裁之守盛

咸臨永永不為動尋知大谷縣大谷人安其政以
為自有令無永比者累遷河東提點刑獄宗澤守
京師厲兵積粟將復兩河以大名當衝要檄永相
犄角不數日聲振河朔澤卒劉豫來攻大名孤城
無援永率士晝夜乘城伺間則出兵徂擊城陷金
人名永永怒罵不絕一家皆遇害贈資政殿學士
節 謚勇

金

納哈塔富拉塔

大名路明安人承安時進士調大名路
教授累官河州防禦使夏人圍定羗富

拉塔擊走之入為戶部尚書興定二
年潞州破力戰而死贈御史大夫

薩哈勒安禮

本名酌大名路人登進士為秦安州刺
史元兵至城破被執初不識其為誰或

妄以酒監對安禮曰我刺史也何以諱為使之跪
安禮不屈遂以戈撞其胸而殺之詔贈秦定軍節

度使謚

堅貞

蘇

椿

度使石倫遣提控高珪斥埃珪降元引大兵
大名人以元帥守許州時元兵南下至許節
至城下使韓壽孫持檄招降椿殺之既
而城陷椿被擒元將怒其不屈殺之

元

郭

嘉

字元禮濮陽人祖昂父惠俱以戰功顯嘉懷
慨有大志登秦定三年進士第累遷廣寧路
總管兼諸鄂雖勸農防禦有詔團練義兵嘉招集
民數千教以坐作進退號令齊一賞罰明信東方
諸郡錢糧之富甲兵之精稱嘉為最至正十八年
賊至圍城亘數十里有大呼者曰何不出降嘉挽

弓射呼者中其左頰墮馬死賊稍引退嘉遂開西門逐之賊大至力戰以死事聞贈河南江北等處行省右丞封太原郡公諡忠烈

劉天孚

字裕民大名人由中書譯史為東平總管府判官改知冠州再知許州所至有治績後知

河中府視事兩日陝西行省丞相阿實罕舉兵至河中天孚日夜治戰守具選丁壯分守要害凡八遣人乞援不報阿實罕縛械河上欲縱火屠城同知府事特爾格詣阿實罕軍阿實罕囚之斂船濟兵既入城脇天孚附己天孚謂幕僚曰吾何忍負上恩且與其辱於阿實罕之手吾寧蹈河以死時天寒水堅天孚拔所佩劍斫冰北望再拜脫衣投水中事平贈護軍彭城郡侯諡忠毅

巴延

一名師聖字宗道世居開州濮陽縣自弱冠即以斯文為己任至正四年以隱士徵至京

師授翰林待制預修金史既畢辭歸四方來學者千餘人其學務真知力踐不屑事舉子詞章士出其門不問知其為巴延氏學者十八年河南賊至巴延渡漳北行邦人從之者數十萬家至磁與賊遇賊知巴延名士生刳之將誘以富貴巴延罵不屈引勁受刃與妻子俱死之贈奉議大夫諡文節

卞

琛

正大名二年盜起琛統丁壯數百人擊賊衆潰

散被擒賊素知琛諭之曰汝從我解汝縛不從殺汝琛唾罵曰我國子生也義寧死不從賊生罵不

止賊屢脇
不聽殺之

明

王

澹

長垣人正德間由監生任襄城縣縣丞流寇攻城澹竭力拒守城陷為賊執不屈死襄民

立祠
祀之

李其紀

字布宸清豐人萬歷進士授工部主事會有京倉之役工竣歸羨金於朝調吏部主事歷

陞郎中典選事上嘉其廉直後以事左遷行人司副遂還里崇禎十五年城陷死焉

陳廣心

元城人由鄉舉官教諭崇禎十五年

本朝大兵臨城將陷廣心衣冠危坐以待諸子環泣請避厲聲曰吾生平所學何事豈為兒女戀戀耶遂殺被

杜斗愚

清豐縣人任富陽縣知縣家居崇禎十五年

本朝兵至死之南樂監生鄭獻書亦同時殉難

靳聖居

字叔孔長垣人由進士任慶陽推官擢刑部郎未行而流賊陷關中聖居下檄道郡曰賊

入函關天下事殆矣慶為三邊喉當據險死守以衛社稷賊寇大至臨城脇降聖居叱罵晝夜堅守及城陷不屈賊怒亂刀刺之罵不絕口而死

時躋舜

字元清長垣人由貢生授訓導陞靈壽教諭城陷具衣冠北向拜與妻李氏二子泰壯俱

死之入名宦

樊吉人

元城人崇禎中由進士知滋陽縣以才擢兵部主事再擢山東兵備僉事未行適

本朝大兵破兗州遂自刎死

楊希震

字心起長垣人崇禎進士授堂邑知縣成大旱力請蠲積逋四萬八千有奇闖賊遣偽官

至希震結壯士謀誅之事洩被酷刑令供共謀者
希震恐死不言賊斷其頭身仆復躍起若擊賊狀
賊大驚擲之城外白
虹亘天久之方散

張三桀

字任吾天啓中舉於鄉歷戶部員外郎崇禎
末季自成陷京城三桀為賊所執不屈死之

魏師貞

魏縣人本戚畹以武進士襲職錦衣千
戶甲申闖逆陷都城一門殉難自焚死

王家楨

字正之長垣人進士官兵部左侍郎七省總
理引疾家居闖賊遣偽官李伯元蒞長垣家

楨與子元炘謀執之事洩
元炘被害家楨投繯死之

張力

字扛侯東明人崇禎進士為萊州府推官罷
歸闖賊陷京城遣偽官來蒞力偕邑紳誅之

後為賊所執
大罵遇害

本朝

崔

對

字琢墟長垣人順治丙戌進士授蒙陰知縣

數政慈惠因圖為空值青兗盜起郡邑望而
潰對率縣尉及鄉紳士庶竭力固守未幾城陷對
望闕再拜乞印投井死賊至署中索金不得唯圖

書數卷

而已

郟炳元

字飛虹長垣人順治丙戌進士知孝感縣時
楚方用兵有賊號紅旗者久不下炳元馳赴

深菁中開布至誠解弓刀呼酒劇飲既醉就卧賊
壘中賊大感悅即出降制府奇其材檄令收復餘
黨先是有吏侵漁庫金炳元窮治之吏窘走賊中
為問賊懼即反兵來攻時城無守具遂陷炳元嘆

曰我受

國恩將以圖報不幸為鼠子所給命也遂死之妻李氏

亦遇

害

張可久

字乾德，魏縣人。順治乙未年進士，歷任廣州營遊擊、鎮江門叛賊周玉李榮等連營犯境。

率兵迎敵，兵收援絕，死之。事聞。

賜祭奠

魏

鎬，南樂人。以武舉任大名道，旗鼓守備。駐防本邑土寇竊發，領兵勦捕，陷陣死。本道設祭給

匾曰精忠貫

日八名宦

宣化府

金

畢資倫

緡山人。從漢散阿海南征，以奪梅林關功。同知昌武軍節度使。北泗州興定五年，宋龜山

統制時青襲破泗州資倫自投城下不死宋軍以見青青說之降資倫極口罵青知無降意乃下於獄矜以鐵絕脇誘百方終不屈如是者十四年及蔡州破宋人以告資倫乃嘆曰吾無望矣容我一祭乃降耳宋人信之為設祭江岸祭畢資倫伏地大哭乘其不防投江而死宋人為立祠祀之

靖安民

德興府永興人貞祐時領萬戶都統隸苗道潤麾下道潤死安民代領其衆興定中安民

領兵出礬山元兵圍安民所居山寨提控馬豹等以安民妻子出降安民軍中聞之駭亂衆議欲降以保妻子安民及經歷官霍端不從遂遇害詔贈金紫光祿大夫

明

江洪

字德容萬全石衛人正統六年從征麓川累功進都指揮使七年遇寇江涓洪馬陷泥淖

中不能起乃棄馬步鬪自朝至哺手刃數十人力竭而死事聞褒贈廕一子指揮僉事

孫

剛

宣府前衛人以功遷都指揮使守備永寧正統十四年寇犯獨石守臣楊俊棄城遁剛率

兵往援遇敵數萬騎猝至剛大呼陷陣而死都知監谷春衛指揮向通王敬張澄同死之事聞賜祭

廕建義烈祠之

周

賢

字思齊宣府前衛人襲父廕為指揮百戶累遷都督僉事鎮守開平景泰五年陝西有警

詔賢率所部援之至野馬澗力戰六日斬馘無算尋復戰於安邊營援兵不至遂死於陣事聞贈都督同知廕一子指揮僉事入名宦

周

麒

保安衛人正德中以正千戶赴京得侍內庭時江彬怙勢一日與武宗對奕言笑無人臣

禮麒麟面責之彬惶懼無指武宗不憚而罷後彬以他事中麒死非命嘉靖初贈指揮僉事厚恤其家

李

良

字士賢保安衛人襲廕為指揮同知正德中流寇起良逐賊燕齊間屢立戰功後與賊猝

遇馬足陷小窖中賊圍之數重良奮鬪不得出遂死之事聞予祭恤廕一子都司僉書

董

暘

宣府前衛人嘉靖中為宣鎮遊擊遇寇力戰死予贈廕子一奎一元俱官總兵有戰功入

宦名

王

鎮

萬全右衛人嘉靖丁亥寇至葛峪及青邊草房連絡數萬騎時鎮以指揮使總軍往禦身

先士卒自辰至酉戰數十合以寡不敵力竭而死事聞予贈廕

劉

傳

蔚州人守備赤城嘉靖庚寅敵犯馬營傳率百餘騎赴援直前搏戰敵圍之數重傳令士

卒下馬步戰傳引滿四肘矢無虛發最後殺其一長敵咬指引去而傳亦身被重創中矢如蝟甲裳盡赤比撤圍而卒詔加褒錄赤城士卒建祠有像祀之八名宦

李

綸字德賢懷安衛人嘉靖進士累官浙江右布政使倭寇入犯自出督師戰沒於陣贈通奉

大
夫

劉

海

開平人都御史劉源清見其貌偉之選為管軍百夫長呼前誠曰若有奇狀當貴否亦為

忠義士毋碌碌為也嘉靖庚寅為馬營叅將遇敵萬餘騎從山谷中突出海與旗牌官百戶張宣等度曰我輩今必不脫惟有死可以報國遂犯陣各殊死戰敵合圍射之皆死敵分海屍三段憤宣勇鷙剖腹取膽去源清聞之曰吾固知海忠義也即不貴此死有餘榮矣奏請贈廕仍肖像褒忠祠入

名宦

周

鏜

懷安衛人襲廕為衛使累遷叅將嘉靖丙辰敵逼懷安守臣畏怯不敢出鏜時已致仕率

家丁出戰歿於陣事聞予贈廕

王

國

宣府人嘉靖中為千戶癸丑蒙古入掠保安國從都指揮郭都率兵禦敵被圍奮力血戰

各中矢被刃死事聞褒卹

潘宗

顏

字士潛保安衛人萬歷癸丑進士授戶部主事督遼東兵餉就推開元兵備僉事歲己未

四路出師宗顏監馬林軍從靖安堡出開鐵翼日抵二道關林軍聞杜松已敗譁而退

本朝大兵猝乘之宗顏與通判董爾礪遊擊竇永澄守備江萬春等逆戰力竭俱死事聞贈宗顏光祿卿

謚節愍建愍忠祠祀之
永澄等亦贈恤如例

張承憲

龍門所人自氣節嫻文藝歷任獨石叅將天啓三年黃台吉遣部茂吉達駐牧龍門邊外

入掠承憲不及介胄疾馳與戰伏酋四起力戰死事聞賜祭廕祀褒忠祠入名宦

滿

桂

本西部降人以軍功隸宣府遂家焉由總旗雁官叅將孫承宗奇其材擢副總兵守寧遠

累進總兵官左都督召為僉書中軍府事移鎮關門大同桂天性忠勇持身廉靜寡慾不近聲色好與士卒同甘苦故所至輒有功崇禎二年京師戒嚴以五千騎入衛拜武經畧與

本朝

大兵戰於永定門外衆寡不敵力戰死贈太保謚毅愍建祠祀之

劉漢臣

赤城人崇禎時從龍門所叅將殺敵有功以把總管夷漢兵以年老歸後副將楊德澤援

遼聘隨征戰敗及子
國登孫科俱歿於陣

楊于邦

保安州歲貢生官陝西按察司經歷逆闖破城不受偽職被杖死

姚時中

保安州人廩膳生篤學知大義李自成寇宣鎮時中知中官有異謀泣嘆曰捍大患而以

死勤事者惟朱中丞吾將從其後矣及城破諸生俱具衣冠往迎時中亦效之給其妻子人皆南向行時中獨折而東至先師殿題壁曰殺賊無權辱身不義妻子無知何足與計遂自經於殿格學官昇其屍於宮牆外路人哀而殮之葬於朱之馮墓側

夏祖禹

保安州庠生甲戌城破衣冠哭拜家廟先驅妻子入井然後投井死

張師載

保安州庠生宿學有養城破顧妻子取衣巾拜辭家廟人或勸之出逃師載從容曰上天

生我上天死我生我死
我育何不可遂自縊死

本朝

馬騰龍

宣化人明崇禎壬午武舉順治初隨定南王
屢立戰功陞桂林遊擊李定國犯桂林騰龍
閉門堅守糧盡力竭援兵不至城陷被執不屈遇
害妻郭氏自刎死仲弟從龍亦赴闕死事平

賜祭葬

張文衡

赤城人順治初知青州府擒闖賊餘黨趙應
元等山東遂平尋調守淮安遷徽寧道勦滅
土寇民賴安堵後陞甘肅巡撫都御史值徇寇米
喇印之變督家丁禦戰中攢矢死尸僵立不仆事

贈右都御史廕一子

聞

賈士璋

延慶州人順治初以貢生為陝西宜君令時
闖賊餘孽乘機倡亂攻宜君士璋力拒之城

陷不屈死

贈按察司僉事廕一子入監

李之實

延慶州人順治初以貢生為江南睢寧縣訓
導逆賊海時行倡亂攻城尋陷之實不屈被

殺事平

贈國子監學錄

黃

洲

宣化人年十八成武進士任平路衛遊擊順
治初以平姜瓖功陞固原叅將值靜寧州土

寇作亂洲提兵赴援擒渠魁侯生友等

五人奮勇追勦暗中流天遂歿於陣

李承鑛

宣化人任湖廣房縣知縣時川賊未靖剽掠
至縣鑛堅守數日外援不至力竭為賊所執

罵不絕口賊

怒遂支解之

賜祭葬

劉廷祉

宣化人任湖廣南漳守備吳三桂之亂總兵楊來嘉持三桂書勸廷祉俱降廷祉不從取

其書焚之而率兵赴陣死事平

馬弘儒

蔚縣人由衛籍中順治辛丑武進士歷授雲南掌印都司康熙十二年吳逆變脇受偽職

不從餓死妾李氏賣身殯殮事平喪歸易棺時面色如生

易州

南北朝梁

祖皓

范陽道人冲之孫暉之子少傳家業善算歷有文武才畧大同中拜廣陵太守侯景亂皓

起兵襲殺其將董紹先馳檄討景景圍之被執不屈箭射通體車裂以殉兄弟子姪遇害者十六人

元

鞏彥暉

易州人與兄彥榮俱以武勇稱初彥榮以百夫長隸千戶何伯祥麾下累有戰功後告老

以彥暉代之從伐宋次武昌宋援兵四集彥暉被重傷投水中敵援之出載歸江州不屈死子信以

功累官

千戶

明

霍

恩

字天錫易州人弘治進士任上蔡令時劉瑾擅逆大盜羣起河以南無完城恩本名將子

知兵為戰守具甚備賊齊彥名遣騎勒降恩戮之賊大怒悉眾攻城力竭不支城陷被執罵不止賊以必挿其口中脇之罵益厲遂遇害事聞贈光祿少卿諡忠烈妻劉氏先一日縊未絕後以巨簪刺

心奮力擊入死贈宜
人建忠節祠並祀之

李

斌

廣昌人任宣府遊擊嘉靖時濟囊入寇斌率所部至廣昌城北衝鋒破敵斬首無數敵引

去斌躡之援不至斌嘆曰得一標兵相與犄角可
以滅賊今皆坐視天也身被重傷墮馬步戰死贈

都督錄其
後入名宦

呂

璋

廣昌人為本所百戶性忠勇右臂刺赤心報國四字嘉靖甲寅濟囊入寇璋率百餘騎衝

入賊營被賊圍射子逢春馳騎救之父
子俱歿事聞褒卹御史谷嶠表其閭

本朝

趙居甲

廣昌人登順治戊子科鄉試未仕值
大同總兵姜瓖叛逆抗節不屈死

徐

喆

字聯吉廣昌人拔貢選浙江蘭谿縣丞有能聲擢署武義縣印康熙十三年耿逆叛同城

把總張奇章潛送款附逆喆方乘牌拒賊為逆弁所縛奪其印而逼之降喆大罵不屈遂自經督師

李之芳上其事十六年

特

贈浙

江按察司僉事廕一子徐恭入監

冀州

隋

馮慈明

字無佚信都長樂人大業間拜尚書兵曹郎攝江都郡丞事時李密逼東都詔慈明擊之

為密所執慈明潛奉表江都論賊形勢密知其狀義而釋之出至營門賊帥翟讓責之慈明勃然曰

我豈從汝求活耶須殺即殺何罣為讓怒亂刀斬之帝聞嘆息詔贈光祿大夫

唐

孔巢父

字弱侯冀州人少力學隱徂徠山與李白韓

命宣慰魏博田緒請降李懷光據河中帝復命巢
父宣慰為懷光所害贈左僕射謚曰忠從子弒官
禮部尚書弒孫
緯官左僕射

明

孔

環

南宮人正德初以歲貢知來安縣忤劉瑾左遷
西華教諭六年大盜起霸州奄至西華城陷被

執賊持刃脇之環厲聲罵曰我為國家臣豈媚逆賊
以求活耶遂被害事平詔賜一子冠帶建祠西華祀之

劉文蔚

新河人以歲貢為
淮安通判崇禎末

本朝大兵臨城文蔚率家人竭力守禦

城破猶執銳巷戰被執殉節死

趙懋誠

新河人以恩貢授韓城縣丞崇禎末分守西門城破具衣冠北向拜曰微臣以一死報國

矣遂遇害

宋文麗

新河庠生崇禎末城陷與妻李氏自經五子俱投井死三媳自縊死一門死者共十九人

本朝

崔燦

棗強人明崇禎壬午舉人順治五年知永陽縣值土寇作亂率僕役出戰被執償罵不屈

遇害事平

賜卹

趙州

宋

張

旦

趙州人勇敢善戰知德興軍景德中契丹入寇旦與其子利涉奮鬪並沒於陣上聞之贈

旦左衛大將軍利涉崇議副使並以恤旦事布詔天下

元

陳

祐

字慶甫寧晉人幼孤家貧母張氏為剪髮易書遂博通經史歷浙東道宣慰使檢覆慶元

台州民田至新昌值玉山盜被執不屈死謚曰忠宣

明

陳

聚

趙州人幼從明太祖以功歷陞千戶靈璧之役大戰陣亡太祖深悼之廕其子為金吾右

衛指揮
僉事

曹

鼎

字禹鍾寧晉人宣德中舉進士第一正統五

年以待講入內閣屢進吏部侍郎十四年邊
警上振力請親征爾力諫不聽進至土木英宗北
狩爾及諸臣五十三人皆死之景帝立贈少傅謚

文襄英宗復
辟賜謚文忠

喬若雯

臨城人萬歷間進士官禮部主事崇禎元年
勅魏廣徵陳九疇等直聲大振歷吏部考功

司員外郎出為兗州知府聽斷明決豪猾
斂跡久之以疾歸士民遮道泣送十一年

本朝

大兵南下臨城失守若雯端坐按
劍以待兵入遇害贈大常少卿

李

讓

趙州人崇禎舉人流賊掠山西鄉民欲逃讓
以忠義勸衆聚保賊至讓與從兄武舉調悉

力拒守手刃數賊中流夫死調亦被殺事聞
詔贈讓宛平縣尹調都司同知建坊旌表

董

祚

隆平人舉人
崇禎戊寅

本朝

大兵破縣殉節
死事聞贈卹

郝奇遇

栢鄉人生有至性崇禎末聞都城失守奇遇
語妻曰我欲死難汝能之乎妻曰能遂飲藥

死妻瘞奇遇
畢亦飲藥死

本朝

魏樾祥

栢鄉人由選拔貢生授廣西通判累遷廣東
潮州知府降廢舉墜開濬長甯河直通潮州

城下商民大利康熙十三年總兵劉某與續順公
不睦乘機激變設立偽官使人來誘曰弟從我何

憂不富貴。攬祥不少屈，乃脇以白刃。攬祥曰：「任爾所為，我唯一死以報國耳。」遂幽之別室。攬祥每日拍案大呼：「十指盡為血，出卒以不食死。」

深州

漢

崔

琦

字子璋，涿郡安平人。以文章博通，稱舉孝廉。為郎，梁冀聞其才，請與交。琦數引古今成敗，

以戒之。冀不能受，乃作外戚箴及白鵠賦，以諷。因遣歸，後竟捕而殺之。

南北朝魏

崔孝演

字則伯，安平人。挺之子也。少無宦情，晚除瀛州安西府外兵叅軍。罷歸，鮮於脩禮起逆，孝

演率宗族保郡城為賊攻陷賊以孝演民望恐移衆心遂害之

崔

楷

字季則辨之子也性剛鯁有幹材釋褐員外散騎侍郎能推挫豪強故時人語曰莫撫懈

付崔楷後為殷州刺史州賊起或勸減小弱以避之乃遣第四女第三男夜出既而追還勒兵士撫厲之莫不爭奮咸稱崔公尚不惜百口吾等何愛一身城陷合門死節

宋

董元亨

深州人累官國子博士通判貝州王則據城叛元亨坐廳事賊黨排闥而入左右皆奔潰

賊脇元亨索軍資庫鑰元亨據案厲聲罵賊遂遇害事平贈太常少卿

明

吳

恂

安平人由貢生為深州訓導搗妻王氏及子女各一并幼姪以從崇禎戊寅

本朝大兵臨城將陷恂謂妻曰吾弟以幼子托義不可

負脫有不虞生死以之及城破恂被執王氏脫走

氏知子女不能兼顧乃棄其女於途而挾子負姪疾馳出城匿空舍得免恂之執也帥見其為讀書

士欲用之恂執不從翼日詣學宮

前盡節死事聞贈待講八名宦

田興國

深州武生忠勇有胆畧崇禎戊寅之變與州守協力守城城破戰死事聞予卹廕

王啓賢

饒陽庠生甲申城破死難同時諸生王採符應第符應舉符振步俱殉節死

定州

明

王懷義

深澤人善騎射父世美為山東萊陽縣丞正德六年流賊攻城懷義隨父守北門射殺賊

首十餘人餘賊復攻東門又與戰甚力翌日城陷力戰脫父於難遂死之

楊家龍

字揚若曲陽人崇禎間由歲貢累遷忻州知州時流寇躡山西蒞任未兩月寇猝至環攻

之度民力難支慨然曰城必不守守則徒殘民耳吾出百姓可全也遂挺身出罵賊不屈賊殺之城

果得全忻民建祠祀之

何三傑

定州人由貢士任湖廣寶慶府通判開爽明允政績赫然寇變抗節不屈遇害

義烈

附

周

左伯桃

燕人聞楚王善待士乃與羊角哀同入楚值雨雪糧少乃併糧與哀使入事楚自餓死於

空樹中哀至楚為上大夫乃言於王備禮以葬伯桃

荆

軻

其先本齊人徙於衛衛人謂之慶卿之燕燕人謂之荆卿軻為人深沉好讀書擊劍其所

遊諸侯盡與其賢豪長者相結後田光薦於太子丹使秦刺始皇不中死

田

光

燕人太子丹質秦逃歸患秦蠶食其傅鞠武薦光可與謀太子進迎避席而請光薦所善

荆軻太子送至門戒曰所言國之大事願勿泄也光往見荆軻曰我聞長者為行不使人疑今太子疑光願足下急過太子言光已死明不言也遂自刎死

高漸離

燕人善擊筑與荆軻交善秦滅燕逐太子丹荆軻之客漸離變姓名為人傭保匿作於宋

子宋子人知其善筑也傳客之聞於始皇始皇召見耀其目使擊筑稍益近漸離乃以鉛置筑中撲始皇不中遂誅

漢

王

調渤海人梁冀誣李固與文鮪共為妖言下固獄調固門生也貧械上書証固之枉太后乃

赦固

南北朝魏

鄭

罷高陽人盧度世以崔皓事去官逃匿罷家使者囚罷長子將加捶楚罷戒之曰君子殺身

以成仁汝雖死勿言子奉命被考掠至以火熬其體卒無所言度世得免

唐

吳保安

魏州人任為義安尉姚州都督李蒙表掌書記後蒙與蠻戰歿判官郭仲朔被執欲得千

緜贖之保安為經營數年得緜贖仲朔歸其後保安以彭山丞客死其妻亦歿喪不能歸仲朔為負骸歸葬衰經廬墓三年乃去及為嵐州長史迎保安子為娶而讓以官

五代

趙

玉

漁陽人嘗客滄州依節度使呂究劉守光破滄州盡戮究親屬究子琦年十四玉負之以

逃至太原變姓名為衣食以給琦琦仕後唐至兵部侍郎燕趙間以玉能存呂氏之孤也翕然誦之

明

楊

頃

字景和京師人英宗復辟指揮門達怙寵驕橫搆袁彬下獄拷掠內外寃之頃擊登聞鼓

上書為彬辨乃並逮獄達因是欲盡去異己者緩頃死使誣少保李賢指使頃佯諾之達遂以開會法司鞫於午門頃直述所言皆由已出於賢無預達計遂不行而彬亦得釋

鹿

正

字以道御史久徵之子贈大理卿謚忠節善繼之父逆閹時傾身急諸君子之難所稱鹿

太公者是也方左魏之獄起正為大中子學伊下榻並留光斗之弟光明於家未幾而周順昌亦被逮正為三家者釀金佐誣賊三家子弟往來絡繹不絕正家與逆黨李朝欽比隣或慮禍且不測正曰不知命無以為君子諸公急來投我而中道畏阻不獨衰朽不齒於人我子亦何顧立天地間乎然終奄之世卒亦無所牽染云

申湛然

大興諸生與布衣黃尼麓新樂侯劉文炳駙馬鞏永固相友善四人者平居過從見時事

日非相對輒潛然泣下李自成聞京師永固守皇城門文炳方在第坐梨花樹下尼麓踉蹌入曰賊攻西直門甚急門且破府中宜早為計文炳乃急命弟文耀往託瀛國太夫人於湛然家及城破文炳永固同殉難湛然匿太夫人甚秘為細人所發賊執湛然拷掠簡至堅不言賊怒乃置湛然於木杙上壓以碾石七竅流血死終不言太夫人所在尼麓亦坎塚以死

許從吉

曲陽村農崇禎戊寅流寇掠其弟去從吉追告曰弟母之愛子弟去母不得生求以身易

不聽憤極用拳毆賊復擲石破賊面賊怒攢必之腦裂而死弟得聞亡歸奉母以終

謝氏義僕

深州人偕志失名崇禎戊寅城破負十歲幼主逃匿賊追及叢矢射之僕以左臂翼

蔽主不支易以右臂卒
中攢矢死主竟得免

本朝

張進寶

南宮人傭於孫恭憲昌齡家遇兵亂隨主人
子經匿城東僻地一日寶以事出兵突至有

識寶者向詢主人寶不應兵必亂下寶嚙其指曰
死則死耳不知主所在兵以刃裂其口斷舌刺之
而死

畿輔通志卷七十七